



**Republika e Kosovës**  
**Republika Kosova – Republic of Kosovo**

**AGJENCIA KUNDËR KORRUPSIONIT**  
**AGENCIJA PROTIV KORRUPCIJE**  
**ANTI - CORRUPTION AGENCY**



---

# **Raport Vjetor**

**Janar – Dhjetor 2016**

*Prishtinë, Mars 2017*

## Përmbajtja:

|                                                                                                     |     |
|-----------------------------------------------------------------------------------------------------|-----|
| Përmbajtja:                                                                                         | iii |
| Lista e tabelave                                                                                    | iv  |
| Lista e grafikëve                                                                                   | iv  |
| Lista e shkurtesave                                                                                 | v   |
| I. PËRMBLEDHJE EKZEKUTIVE                                                                           | 1   |
| II. PËRSHKRIMI I INSTITUCIONIT                                                                      | 2   |
| III. ORGANIZIMI I BRENDSHËM                                                                         | 3   |
| IV. LUFTIMI I KORRUPSIONIT                                                                          | 4   |
| 1. Zbatimi i ligjit                                                                                 | 4   |
| 2. Zhvillimi i hetimeve                                                                             | 4   |
| 3. Rastet e paraqitura në AKK për vitin 2016                                                        | 4   |
| 4. Rastet e përcjella në institucionet kompetente për procedim                                      | 5   |
| 5. Personat e dyshuar për veprime korruptive                                                        | 6   |
| 6. Rastet e përcjella sipas strukturës së veprave penale                                            | 6   |
| 7. Karakteristikat e shkeljeve të konstatuara gjatë hetimeve paraprake                              | 7   |
| 8. Rastet e përcjella sipas vitit të kryerjes së veprimit të dyshuar korruptiv                      | 9   |
| 9. Numri i rasteve të përcjella që nga funksionalizimi i AKK-së                                     | 10  |
| 10. Pushimi i hetimeve dhe hedhja poshtë e rasteve                                                  | 12  |
| 11. Aspekte rreth trajtimit të rasteve në gjykatë                                                   | 12  |
| 12. Rastet e mbyllura                                                                               | 13  |
| V. PARANDALIMI I KORRUPSIONIT                                                                       | 14  |
| 1. Deklarimi dhe kontrolli i pasurisë dhe i dhuratave                                               | 14  |
| 2. Llojet e deklarimit të pasurisë                                                                  | 14  |
| 3. Kontrolli i deklarimit të pasurisë                                                               | 17  |
| 4. Katalogu i dhuratave                                                                             | 18  |
| 4.1. Dorëzimi i katalogut të dhuratave                                                              | 18  |
| 5. Parandalimi i konfliktit të interesit                                                            | 20  |
| 6. Parandalimi i korupsionit në prokurimin publik                                                   | 21  |
| VI. MBËSHTETJA, BASHKËPUNIMI DHE MARRËDHËNIET ME PUBLIKUN                                           | 23  |
| 1. Zyra për Mbështetje, Bashkëpunim dhe Informim                                                    | 23  |
| 1.1 Punët juridike                                                                                  | 25  |
| 1.2 Menaxhimi i sistemit të TI-së                                                                   | 25  |
| 1.3 Arkiva                                                                                          | 26  |
| 2. Resurset njerëzore                                                                               | 27  |
| 3. Prokurimi Publik                                                                                 | 27  |
| 4. Buxheti (Përmbledhje e zhvillimeve kryesore)                                                     | 27  |
| VII. Bashkëpunimi me institucionet tjera që kanë për mision luftimin dhe parandalimin e korupsionit | 29  |
| VIII. MONITORIMI I ZBATIMIT TË STRATEGJISË DHE PLANIT TË VEPRIMIT KUNDËR KORRUPSION                 | 30  |
| IX. ADRESIMI I REKOMANDIMEVE TË ZYRËS SË AUDITORIT TË PËRGJITSHËM                                   | 31  |
| X. MËSIMET DHE REKOMANDIMET                                                                         | 33  |
| XI. PËRFUNDIMI                                                                                      | 34  |

## Lista e tabelave

|                                                                                                                  |    |
|------------------------------------------------------------------------------------------------------------------|----|
| Tabela 1. Rastet e përcjella nëpër organet kompetente që nga funksionalizimi i AKK-së.....                       | 11 |
| Tabela 2. Vendimet e Gjykatave sipas Nenit 437 të KPK .....                                                      | 13 |
| Tabela 3. Deklarimi i rregullt vjetor .....                                                                      | 15 |
| Tabela 4. Deklarimi me marrjen e detyrës.....                                                                    | 15 |
| Tabela 5. Deklarimi sipas kërkesës së AKK-së .....                                                               | 16 |
| Tabela 6. Deklarimi i pasurisë pas mbarimit apo shkarkimit nga funksioni publik.....                             | 16 |
| Tabela 7. Deklarimi i pasurisë 2016 .....                                                                        | 17 |
| Tabela 8. Kontrolli i plotë i deklarimit të pasurisë si dhe rezultatet e gjetjeve nga kontrolli i plotë ...      | 18 |
| Tabela 9. Tabela e deklarimit të dhuratave gjatë vitit 2016 .....                                                | 19 |
| Tabela 10. Emrat e zyrtarëve publik që nuk e kanë deklaruar pasurinë .....                                       | 19 |
| Tabela 11. Rastet e trajtuara për konflikt të interesit gjatë vitit 2016 .....                                   | 20 |
| Tabela 12. Rastet e trajtura gjatë vitit 2016 në fushën e parandalimit të korrupsionit në prokurimin publik..... | 22 |
| Tabela 13. Pasqyra e aktiviteteve të Prokurimit Publik .....                                                     | 27 |
| Tabela 14. Pasqyra e ndarjes buxhetore sipas kategorive ekonomike.....                                           | 28 |
| Tabela 15. Pasqyra e shpenzimeve pas rishikimit të buxhetit .....                                                | 28 |
| Tabela 16. Pasqyra e adresimit të rekomandimeve nga zyra e Auditorit të Përgjithshëm .....                       | 32 |

## Lista e grafikëve

|                                                                                                                              |    |
|------------------------------------------------------------------------------------------------------------------------------|----|
| Grafiku 1. Pasqyrimi i procedimit të rasteve të trajtuara gjatë vitit 2016 .....                                             | 5  |
| Grafiku 2. Pasqyrimi i Kallëzimeve Penale dhe numrit të personave të përfshirë të përcjella në institucionet përkatëse ..... | 6  |
| Grafiku 3. Numri i rasteve të përcjella në organet kompetente si dhe personat e përfshirë (2007-2016) .....                  | 10 |
| Grafiku 5. Shkrimet për Korrupsion në shtypin ditor sipas muajve gjatë vitit 2016.....                                       | 24 |
| Grafiku 6. Numri i shkrimeve të të gjitha mediave të shkruara për punën e Agjencisë .....                                    | 25 |
| Grafiku 4. Monitorimi i zbatimit të Strategjisë .....                                                                        | 30 |

## Lista e shkurtesave

|         |                                                                                      |
|---------|--------------------------------------------------------------------------------------|
| PSH     | <i>Prokuroria e Shtetit</i>                                                          |
| PSRK    | <i>Prokuroria Speciale e Republikës së Kosovës</i>                                   |
| PPQ     | <i>Prokuroria Publike e Qarkut</i>                                                   |
| PPK     | <i>Prokuroria Publike Komunale</i>                                                   |
| PTH     | <i>Prokuroria Themelore</i>                                                          |
| DHKEK   | <i>Drejtoria për Hetimin e Korrupsionit dhe Krimeve Ekonomike, Policia e Kosovës</i> |
| IPK     | <i>Inspektorati Policor i Kosovës</i>                                                |
| FIU     | <i>Financial Investigation Unit</i>                                                  |
| UP      | <i>Universiteti i Prishtinës</i>                                                     |
| GJK     | <i>Gjykata Kushtetuese</i>                                                           |
| MASHT   | <i>Ministria e Arsimit Shkencës dhe Teknologjisë</i>                                 |
| MEF     | <i>Ministria e Ekonomisë dhe Financave</i>                                           |
| KQZ     | <i>Komisioni Qendror Zgjedhor</i>                                                    |
| KRPP    | <i>Komisioni Rregullativ i Prokurimit Publik</i>                                     |
| KEK     | <i>Korporata Energjetike e Kosovës</i>                                               |
| KDI     | <i>Kosovo Democratic Institute</i>                                                   |
| QKSPEZH | <i>Qendra e Kosovës për Siguri Publike Edukim dhe Zhvillim</i>                       |
| FLSA    | <i>Financial Law Smart Agency</i>                                                    |
| IKAP    | <i>Instituti Kosovar për Administratë Publike</i>                                    |
| LDC     | <i>Leadership and Development Consultancy</i>                                        |
| RESPA   | <i>Regional School for Public Administration</i>                                     |
| BRC     | <i>Bratislava Region Center</i>                                                      |
| UNDP    | <i>United Nation Development Program</i>                                             |
| ASHAK   | <i>Agjencia Shtetërore e Arkivave të Kosovës</i>                                     |
| SACIK   | <i>Support Anti-Corruption Institution's of Kosovo</i>                               |
| EU      | <i>European Union</i>                                                                |
| MDA     | <i>Management Development Asociacion</i>                                             |
| SPV     | <i>Strategjia dhe Plani i Veprimit Agjencia kundër Korrupsionit</i>                  |

## I. PËRMBLEDHJE EKZEKUTIVE

---

Agjencia kundër Korrupsionit gjatë kësaj periudhe raportuese me përkushtim të plotë ka vazhduar në realizimin e detyrave konform mandatit dhe kompetencave në fushën e hetimit dhe zbulimit të rasteve me natyrë të korrupsionit, përpjekjet për parandalimin e fenomenit të korrupsionit si dhe vetëdijesimin e publikut në hapat progresiv drejtë krijimit të një shoqërie ku sundon rendi dhe ligji.

Agjencia ka vazhduar bashkëpunimin me institucionet tjera, sidomos me ato të zbatimit të ligjit. Në të njëjtën kohë ky bashkëpunim ka bërë që autoritetet kosovare të kenë të përcaktuara prioritetet e çarta për zbatimin e legjislacionit që ka për qëllim luftimin dhe parandalimin e korrupsionit, promovimin e transparencës dhe forcimin e integritetit institucional. Përkundër përpjekjeve dhe përkushtimit më të madh për krijimin e një ambienti shoqëror të lirë nga korrupsioni, kjo dukuri vazhdon të jetë ende prezente (si dukuri) dhe sfidë për institucionet e Republikës së Kosovës.

Në këtë kontekst, AKK-ja që nga funksionalizimi e deri në momentin e raportimit, për të gjitha rastet të cilat ka hetuar dhe kur ka gjetur prova përtej dyshimit të arsyeshëm dhe të bazuar ka vepruar sipas kompetencave të saj dhe deri më tani ka përcjellur tek autoritetet kompetente gjithësej 675 raste. Siç do të vërehet në kapitujt e më poshtëm të këtij raporti, AKK ka adresuar numrin më të madh të kallëzimeve penale në raport me vitet paraprake. Kjo është si rrjedhojë që Kodi Penal i Kosovës (i hyrë në fuqi në fillim të vitit 2013) ka paraparë si vepër penale “mos deklarimin e pasurisë” dhe “deklarimin e rremë të pasurisë”.

Korniza ligjore në bazë të së cilës Agjencia ka realizuar mandatin e saj është: Ligji nr. 03/L-159 për Agjencinë Kundër Korrupsionit, Ligji nr. 04/L-050 për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë, Ligji nr. 04/L-228 për Ndryshimin dhe Plotësimin e Ligjit nr. 04/L-050 për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë, (i cili ka hyrë në fuqi më 2014); Ligji nr. 04/L-051 për Parandalimin e Konfliktit të Interesit në Ushtrimin e Funksionit Publik. Legjislacioni dytësor ekzistues nuk është plotësuar dhe ndryshuar.

Korniza ligjore aktuale është e nevojshme që të ndryshohet dhe të plotësohet. Ligji nr. 04/L-051 për Parandalimin e Konfliktit të Interesit në Ushtrimin e Funksionit Publik paraqet vështirësi në përmbushjen e mandatit të Agjencisë në lidhje me parandalimin e rasteve të konfliktit të interesit. Kjo për arsye se gjatë zbatimit të ligjit bazik për parandalimin e konfliktit të interesit në praktikë janë evidentuar zbrazëtira të cilat kanë vështirësuar punën e Agjencisë në realizimin e mandatit të saj, me theks të veçantë ushtrimi i dy e më shumë pozitave në të njëjtën kohë nga zyrtarët e lartë publik.

Bazuar në të dhënat e këtij raporti vërehet se nevojiten përpjekje të përbashkëta të sistemit të drejtësisë dhe mekanizmave të tjerë që kanë për mision luftën kundër korrupsionit në mënyrë që të ndërtohet një sistem i fuqishëm institucional që prodhon rezultate konkrete në luftën kundër korrupsionit dhe përfundimisht krijimin e besimit tek qytetarët.

Ky raport vjetor mbulon periudhën 1 janar - 31 dhjetor 2016, dhe i adresohet Kuvendit të Republikës së Kosovës.

## II. PËRSHKRIMI I INSTITUCIONIT

---

Agjencia kundër Korrupsionit është organ i pavarur i themeluar me ligj. Agjencia është themeluar në korrik të vitit 2006, ndërsa ka filluar të funksionalizoj më 12 shkurt 2007 dhe është përgjegjëse për zbatimin e politikës shtetërore për parandalimin dhe luftimin e korrupsionit në Kosovë. Mandati dhe kompetencat e Agjencisë janë të përcaktuara në nenin 6 të Ligjit Nr. 03/L-159 për Agjencinë kundër Korrupsionit.

Fushëveprimi i Agjencisë është i përqendruar në hartimin dhe monitorimin e zbatimit të Strategjisë dhe Planit të Veprimit kundër Korrupsionit, hetimin dhe zbulimin e rasteve me natyrë të korrupsionit, përpjekjet për parandalimin e fenomenit të korrupsionit si dhe vetëdijesimin e publikut në hapat progresiv drejtë krijimit të një shoqërie ku sundon rendi dhe ligji.

Legjislacioni aktual kundër korrupsionit, mbi bazën e të cilit AKK edhe i zhvillon aktivitetet e saj parasheh masat kundër korrupsionit brenda fushës së veprimit të Strategjisë dhe Planit të Veprimit kundër Korrupsionit, veçanërisht në fushën e hetimeve paraprake të korrupsionit, analizimin dhe eliminimin e shkaqeve të korrupsionit, papajtueshmërinë mes mbajtjes së posteve publike dhe kryerjes së aktiviteteve fitimprurëse për personat zyrtar, kufizimet në lidhje me pranimin e dhuratave të lidhura me kryerjen e detyrës zyrtare, mbikëqyrjen e pasurive të tyre si dhe të personave në lidhje të afërt me ta dhe kufizimet në lidhje me subjektet kontraktuese që marrin pjesë në tenderët publik.

Bazuar në nenin 12 të Ligjit Nr. 03/L-159 për AKK, Agjencia i paraqet raport vjetor të punës për vitin paraprak Kuvendit të Republikës së Kosovës. Qëllimi i këtij Raporti Vjetor është të paraqes aktivitetet, të arriturat dhe sfidat që AKK kishte për vitin 2016.

Aktivitetet në të cilat është përqendruar ky raport janë si vijon:

- ⇒ Zbatimin e ligjit, përcjellja e kallëzimeve penale në prokuroritë kompetente, përcjellja e kërkesave për fillimin e procedurës disiplinore për shkeljet e dyshuara administrative, monitorimi i zbatimit të Strategjisë dhe Planit të Veprimit Kundër Korrupsionit;
- ⇒ Parandalimin ose eliminimin e shkaqeve të korrupsionit përmes kryerjes së deklaramit të pasurisë së zyrtarëve të lartë publik, publikimi i regjistrave të formularëve të deklaramit të pasurisë nga zyrtarët e lartë publik në faqen zyrtare të AKK-së në internet, parandalimi i konfliktit të interesit dhe regjistrimi i dhuratave të pranuar nga personat zyrtar, si dhe parandalimi i korrupsionit në aktivitetet e Prokurimit Publik;
- ⇒ Edukimi i zyrtarëve publik dhe qytetarëve mbi kornizën ligjore dhe mekanizmat aktual të cilët merren me luftimin dhe parandalimin e korrupsionit si dhe vetëdijesimi i publikut për luftën kundër korrupsionit në sensin e nxitjes së një bashkëpunimi të fuqishëm mes tij dhe AKK-së.

### III. ORGANIZIMI I BRENDSHËM

Mandati dhe kompetencat e Agjencisë janë të përcaktuara në Ligjin Nr. 03/L-159 për Agjencinë kundër Korrupsionit. Ndërsa, Organizimi i brendshëm i AKK-së është i rregulluar me këto Rregullore:

1. Rregullorja Nr. 01/2014 të Punës së AKK-së,
2. Rregullorja Nr. 01/2013 për Organizimin dhe Sistematizimin e Vendeve të Punës në AKK,
3. Rregullorja Nr. 02/2014 për Organizimin, Funksionalizimin dhe Menaxhimin e Arkivit të AKK, dhe
4. Kodi Nr. 03/2013 i Etikës për Nëpunësit e AKK-së.

Agjencia ka të punësuar 40 zyrtarë, përfshirë Drejtorin e Agjencisë dhe 4 zyrtarë në Zyrën e Drejtorit. Agjencia është e ndarë në këto departamente dhe divizione:

1. **Departamentin për Luftimin e Korrupsionit** ka të punësuar 11 zyrtarë dhe është përgjegjës për zhvillimin e procedurave të hetimit paraprak të rasteve të dyshimit për korrupsion, analizimin e të dhënave statistikore dhe të dhënave të tjera për gjendjen e korrupsionit në Kosovë, hartimin dhe monitorimin e zbatimit të Strategjisë dhe Planit të Veprimit kundër Korrupsionit, si dhe raportimin për zbatimin e detyrave të Agjencisë të përcaktuara nga dokumentet tjera strategjike.
2. **Departamentin për Parandalimin e Korrupsionit** ka të punësuar 15 zyrtarë dhe është përgjegjës për mbikëqyrjen e pasurisë, mbikëqyrjen e dhuratave, parandalimin e konfliktit të interesit dhe parandalimin e korrupsionit në prokurimin publik dhe korrupsionit në tërësi.
3. **Divizionin për Punë të Përgjithshme dhe Financa** ka të punësuar 5 zyrtarë dhe është përgjegjës për menaxhimin dhe përkujdesjen për burimet materiale, ofrimin e shërbimeve administrative, menaxhimin e financave dhe buxhetit si dhe logjistikën e Agjencisë.
4. **Zyrën për Mbështetje, Bashkëpunim dhe Informim** ka të punësuar 4 zyrtarë dhe është përgjegjës për ofrimin e mbështetjes profesionale dhe tekniko-administrative për personelin e Agjencisë.

Organogrami i AKK është paraqitur në mënyrë grafike në [Shtojcën I](#).

Në kuadër të AKK janë të themeluara dy Komisionet konform dispozitave ligjore të Shërbimit Civil. Komisionit Disiplinor i cili nuk ka pasur asnjë rast gjatë vitit 2016 dhe Komisioni për Zgjidhjen e Kontesteve dhe Ankesave i cili ka shqyrtuar vetëm një (1) ankesë për vitin 2016.

## IV. LUFTIMI I KORRUPSIONIT

---

Aktivitetet e luftimit të korrupsionit në Agjencinë kundër Korrupsionit zhvillohen nga Departamenti për Luftimin e Korrupsionit. Në pajtim me mandatin e dhënë me Ligjin nr. 03/L-159 për Agjencinë kundër Korrupsionit dhe me legjislacionin tjetër sekondar, Departamenti për Luftimin e Korrupsionit aktivitetet i zhvillon në këto drejtime; zbatimi i ligjit, hartimi dhe monitorimi i zbatimit të Strategjisë dhe Planit të veprimit kundër Korrupsionit, avancimi i kuadrit ligjor dhe vetëdijesimi i publikut.

### 1. Zbatimi i ligjit

Në kuadër të AKK, përgjegjës për aspektet e zbatimit të Ligjit është Departamenti për Luftimin e Korrupsionit i cili në kuadër të veprimtarisë së tij organizon këto aktivitete:

- ⇒ Zhvillimin e hetimeve paraprake lidhur me dyshimet e supozuara për korrupsion në ato raste kur nuk inicohet procedurë penale nga ndonjë mekanizëm tjetër;
- ⇒ Përcjelljen e rasteve të hetuara tek prokuroria publike kompetente për procedim penal të mëtutjeshëm, si dhe përcjelljen e kërkesave për fillimin e procedurës disiplinore në lidhje me rastet e dyshuara për shkelje administrative;
- ⇒ Bashkëpunimin me të gjitha autoritet vendore dhe ndërkombëtare të ngarkuara për zbatimin e ligjit gjatë procedurave hetimore që kryhen nga këto autoritete.

### 2. Zhvillimi i hetimeve

Prioritet i Departamentit për Luftimin e Korrupsionit gjatë kësaj periudhe raportuese ka qenë pranimi, iniciimi sipas detyrës zyrtare dhe hetimi paraprak i rasteve të dyshuara të korrupsionit. Si rrjedhojë janë hetuar raste të raportuara nga qytetarët, po ashtu edhe raste të cilat janë iniciuar sipas detyrës zyrtare kur AKK ka ardhur deri te informacionet e bazuara për veprime korruptive të mundshme.


Sa i përket rasteve të hetuara me dyshimin për veprime korruptive, si dhe lidhur me vendimet finale gjatë kësaj periudhe raportuese, në vijim do të japim pasqyrën e përgjithshme.

### 3. Rastet e paraqitura në AKK për vitin 2016

AKK gjatë vitit raportues nga qytetarët ka pranuar informacione në lidhje me dyshimet për veprime korruptive përmes mënyrave të ndryshme të raportimit. AKK për qytetarët të cilët duan ti raportojnë rastet e dyshuara për korrupsion ka dhënë mundësinë e disa mënyrave të raportimit. Fjala është për raportim të drejtpërdrejtë në AKK, përmes linjës telefonike pa pagesë **0800 10 800**, postës dhe përmes e-mailit (formës online) nga [www.akk-ks.org](http://www.akk-ks.org). Për personat të cilët me mirëbesim kanë zbuluar informacionin për ekzistencën e korrupsionit dhe me qëllim të pengimit të pasojave të dëmshme ndaj tyre, AKK ka mundur që ata ti paraqesin rastet e dyshuara të korrupsionit në mënyrë anonime me qëllim të ruajtjes së identitetit të raportuesve dhe inkurajimin e qytetarëve për raportimin e këtyre rasteve.

Gjatë vitit **2016**, AKK ka zhvilluar procedurën e hetimeve paraprake në gjithsejtë **276** raste, prej të cilave **82** janë bartur nga viti paraprak, kurse gjatë vitit 2016 janë pranuar edhe **194** raste. Prej tyre **41** raste, janë përcjell në Prokurori dhe Polici për procedim të mëtutjeshëm, **30** raste janë përcjell në organet kompetente administrative me kërkesë për fillimin e procedurës disiplinore, **160** raste janë mbyllur, ndërsa **45** raste janë në procedurë. Numri i përgjithshëm i informacioneve anonime të trajtuara është **47**. Gjatë vitit raportues Agjencia ka trajtuar gjithsejtë **89** raste të iniciuara sipas detyrës zyrtare (ex-officio).

Rastet në procedurë të gjitha janë raste të regjistruara gjatë vitit 2016. Grafiku i mëposhtëm pasqyron procedimin e **276** rasteve të trajtuara gjatë vitit 2016.



Grafiku 1. Pasqyrimi i procedimit të rasteve të trajtuara gjatë vitit 2016

#### 4. Rastet e përcjella në institucionet kompetente për procedim

Gjatë periudhës raportuese në institucionet kompetente për procedim të mëtutjeshëm janë përcjell **41** informata dhe kallëzime penale.

Prej tyre në Zyrën e Kryeprokurorit të Shtetit janë përcjellë **28** kallëzime penale, për të cilat Zyra e Kryeprokurorit të Shtetit ka njoftuar se ato janë deleguar në kompetencë të prokurorive respektive. Përderisa në Drejtorinë për Hetimin e Krimeve Ekonomike dhe Korrupsion/Policia e Kosovës, janë përcjell **13** informata.

Nga deklaratat e pasurisë të zyrtarëve të lartë publik të cilat i janë nënshtruar kontrollit të plotë në vitin 2016, në tre muajt e parë të vitit 2017, në Prokurorin e Shtetit janë përcjellur 25 Kallëzime Penale kundër 25 Personave që lidhen me periudhën dhe të gjeturat e vitit 2016.


Ndërsa, në tridhjetë (**30**) raste pas përfundimit të procedurave hetimore paraprake është konstatuar se nuk ka të dhëna të mjaftueshme apo/dhe dyshim të arsyeshëm se rasti mund të përbëjë vepër penale, por është dyshuar për shkelje administrative, dhe Agjencia këto raste i ka përcjell në organet kompetente administrative me kërkesë për fillimin e procedurës disiplinore.

Vlera e dëmit të shkaktuar sipas rasteve të përcjella në Prokuroritë kompetente dhe Polici nga rasti në rast nuk është arrit të saktësohet.

## 5. Personat e dyshuar për veprime korruptive

AKK, në **41** rastet e përcjella në prokuroritë publike dhe organet policore kompetente për procedim të mëtutjeshëm penal pas konstatimeve se ka të dhëna të mjaftueshme apo/ dhe dyshim të arsyeshëm për përfshirjen në veprime korruptive, ka denoncuar **48** persona. Prej tyre **44** persona janë përcjell në Zyrën e Kryeprokurorit të Shtetit dhe **4** persona në DHKEK- Policia e Kosovës. Në **9** raste të përcjella në DHKEK- Policia e Kosovës nuk është arritur identifikimi i personave. Këto të dhëna janë pasqyruar në grafikun e më poshtëm.

AKK gjithashtu gjatë periudhës raportuese ka përcjellë **30** raste në organet kompetente administrative me kërkesë për fillimin e procedurës disiplinore kundër **50** personave zyrtarë të institucioneve të Republikës së Kosovës.



Grafiku 2. Pasqyrimi i Kallëzimeve Penale dhe numrit të personave të përfshirë të përcjella në institucionet përkatëse

## 6. Rastet e përcjella sipas strukturës së veprave penale

Në mesin e **41** rasteve të përcjella në Prokurori dhe DHKEK - Policia e Kosovës për procedim të mëtutjeshëm, në disa prej tyre janë të përfshira dy e më shumë vepra penale. Veprat penale i përkasin kryesisht kapitullit XXXIV Korrupsioni zyrtar dhe veprat penale kundër detyrës zyrtare sipas Kodit Penal të Kosovës, mirëpo nuk përjashtohen rastet kur janë përcjell me dyshime për veprime të sanksionuara në kapitujt tjerë sipas Kodit Penal të Kosovës. Ndërsa, në **13** raste, për veprimet e dyshuara nuk është arritur që të kualifikohen se çfarë figure të veprës penale paraqesin, për shkak të tejkalimit të mundësisë dhe kompetencës hetimore të Agjencisë.

Struktura e veprave penale të përcjella në institucionet kompetente dhe niveli i zyrtarëve të dyshuar, është si në vijim:

- ⇒ **Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare** - Numrin më të madh të rasteve të përcjella në Prokurori e përbëjnë veprimet e sanksionuara sipas nenit 437 të Kodit Penal të Kosovës.
- ⇒ **Keqpërdorimi i Pozitës apo autoritetit zyrtar** - Nga numri i përgjithshëm i rasteve të përcjella në Prokuroritë dhe DHKEK- Policia e Kosovës numrin e dytë më të madh të tyre e përbëjnë veprimet korruptive të parapara sipas nenit 422 të KPK-së. Në disa raste kjo vepër penale është shoqëruar edhe me vepra tjera penale **Konflikti i interesit** (neni 424 të Kodit Penal të Kosovës) dhe **Mashtrimi** (neni 335 të Kodit Penal të Kosovës).
- ⇒ **Konflikti i interesit** - Sipas kësaj vepre penale të përcaktuar në nenin 424 të Kodit Penal të Kosovës në Prokurorinë kompetente është përcjellë vetëm një (1) rast.

Personat e përfshirë në këto raste janë nga nivele të ndryshme si: Ministër, zëvendës Ministër, Këshilltar i Ministrit, Kryetar i Komunës, Anëtar Komisioni në Institucion të Pavarur, Drejtor në Agjenci Ekzekutive në kuadër të Ministrisë së caktuar, Sekretar i Përgjithshëm në Ministri, Shef Kabineti i Ministrit, Asistentë Ekzekutiv dhe Asistentë Administrativ në Ministri, Anëtarë të Këshillit Drejtues në Universitet Publik, Drejtor i Departamentit në Ministri, Menaxher të Prokurimit dhe Zyrtarë të Prokurimit në Ministri, Drejtor Ekzekutiv në Spital Rajonal, ish Drejtor i Drejtorisë dhe Shef Sektori në nivel komunal, zyrtarë të Ministrisë të angazhuar në Komision Përzgjedhës për Shërbimin Civil, zyrtarë Komunal të angazhuar në Komisione të caktuara, Ministër Këshilltar në Ambasadë, Këshilltar të Asambleve Komunale, Kryesues dhe Anëtarë Bordi të Ndërmarrjeve Publike Lokale, anëtar të Komisionit të Aksionareve të Ndërmarrjes Publike Lokale, Drejtor në institucione të pavarura etj.

## 7. Karakteristikat e shkeljeve të konstatuara gjatë hetimeve paraprake

AKK ka zhvilluar procedurën e hetimeve paraprake në lidhje me dyshimet për veprime korruptive, pra në lidhje me veprat penale nga kapitulli XXXIV i KPK-së - Korrupsioni zyrtar dhe veprat penale kundër detyrës zyrtare. Përkundër një angazhimi të përgjithshëm institucional veprat penale të korrupsionit vazhdojnë të përbëjnë numrin më të vogël të veprave të hetuara nga organet e ndjekjes, por njëkohësisht përbëjnë edhe veprat penale për të cilat më së paku janë shqiptuar dënime.

Karakteristikë e rasteve të hetuara që kanë të bëjnë me veprën penale **Keqpërdorim i Pozitës apo autoritetit zyrtar** nga neni 422 të KPK-së, është shfrytëzimi i detyrës apo autoritetit zyrtar nga personi zyrtar i cili me veprim apo mosveprim shkel ligjet e aplikueshme me qëllim përfitimi të çfarëdo dobie për vete ose për personin tjetër, apo me qëllim të shkaktimit të dëmit për personat tjerë apo biznesin e caktuar, ose që seriozisht shkel të drejtat e personit tjetër, tejkalon kompetencat dhe nuk i përmbush detyrat zyrtare.

Gjatë zhvillimit të aktiviteteve të prokurimit, veprimet apo mos veprimet e përmendura, i referohen shkeljes së procedurave të prokurimit, apo në rastet më të këqija anashkalimi i tërësishëm i këtyre procedurave duke iu shmangur në këtë mënyrë transparencës dhe konkurrencës lojale. Shkeljet e procedurave të prokurimit paraqiten gjatë gjithë ciklit të prokurimit duke filluar nga planifikimi dhe përgatitja e dosjeve të tenderëve si:

- Anashkalim i të gjitha procedurave të prokurimit, për shpenzimin e mjeteve buxhetore të destinuar për projekt të caktuar;
- Zyrtari Kryesor Administrativ me qëllim që t'i mundësoj përfitim të dobisë Operatorit Ekonomik, lidh Marrëveshje Bashkëpunimi për kryerjen e shërbimeve sipas porosisë, pa zbatuar procedura të prokurimit duke i shkelur të drejtat e Operatorëve tjerë Ekonomik të interesuar të mundshëm në kundërshtim me legjislacionin në fuqi;
- Tejkalmi i kompetencave nga ana e Zyrtarit Kryesor Administrativ me qëllim të mundësimit të përfitimit të dobisë materiale për persona të caktuar duke bërë pagesa të parregullta për furnizime dhe shërbime, pa pasur kontratë me furnitorët e caktuar, në kundërshtim me legjislacionin në fuqi.

Në fazën e vlerësimit të ofertave dhe nënshkrimit të kontratës paraqiten shkelje si:

- Revokim i kundërligjshëm i nenit të caktuar të Ligjit për Prokurimin Publik;

Faza e mbikëqyrjes së realizimit të punëve, ofrimit të shërbimeve dhe furnizimit karakterizohet si:

- Pranim- dorëzimi i punëve të kryera nga OE edhe përkundër faktit se puna nuk ishte kryer konform kontratës dhe përmasave të parapara në dosjen e tenderit, por në përmasa më të vogla;
- Mundësimi i përfitimit të dobisë materiale operatorit ekonomik (OE), ashtu që, është lejuar tejkalmi i kontratës me porosi të artikujve shtesë të cilët nuk kanë qenë të paraparë paraprakisht në kontratë;
- Nënshkrimi i urdhër blerjes për shërbime të cilat kanë qenë dashur të ofrohen sipas kontratës së prokurimit për një periudhë të caktuar kohore.

Veprën penale Keqpërdorim i Pozitës apo autoritetit zyrtar kur është shoqëruar edhe me vepra tjera penale e karakterizojnë edhe rastet e hetuara për shkelje të tjera si:

- Zyrtari Kryesor Administrativ tejkalon kompetencat me qëllim të mundësimit të përfitimit të dobisë materiale për veti dhe për personat tjerë zyrtar, me çka mundëson realizimin e pagave shtesë- kompensime për punë jashtë orarit, në kundërshtim me dispozitat e legjislacionit pa ndonjë dëshmi se kanë kryer punë jashtë orarit të punës, si dhe duke pranuar raporte fiktive;
- Zyrtari Kryesor Administrativ tejkalon kompetencat me qëllim të përfitimit për vete dhe zyrtarë të tjerë në atë mënyrë që nga organizimi i seminareve për aftësimin profesional të kuadrit të caktuar realizon të ardhura për organizmin e të njëjtave, për orët e mbajtura (ligjërata) si dhe mëditje për udhëtime zyrtare nga mjetet të cilat janë grumbulluar nga pjesëmarrësit (zyrtarë të institucioneve të tjera publike) në këto seminare edhe pse këto janë Detyra dhe Përgjegjësi të institucionit me të cilin udhëheqë;
- Zyrtari Kryesor Administrativ me qëllim të mundësimit të përfitimit të dobisë materiale nuk shpallë konkurs publik dhe merr pjesë personalisht në çështjen zyrtare duke i nënshkruar kontratën dhe mundësuar punësimin në pozitë të caktuar anëtarit të familjes;
- Tejkalmi i kompetencave nga ana e Nëpunësit të lartë për legjislacion duke nënshkruar Akt Emërim (i Karrierës) për pozitën Udhëheqës Ekzekutiv në kundërshtim me legjislacionin në fuqi;

- Tejkallim i kompetencave duke përzgjedhë dhe rekomanduar emërimet në pozita të caktuara në kundërshtim me legjislacionin në fuqi dhe duke shkelur të drejtat e kandidatëve të tjerë të supozuar;
- Tejkallim i kompetencave duke bërë kërkesa dhe rezervime të shërbimeve të udhëtimit zyrtar në kundërshtim me legjislacionin në fuqi;
- Tejkallim i kompetencave duke aprovuar kërkesa për shërbime udhëtimi zyrtar në kundërshtim me legjislacionin në fuqi;
- Mos përmbushje e detyrës zyrtare duke mos shpallur konkurs publik siç është përcaktuar në legjislacionin në fuqi për pranimin në punë me vendim për caktim të përkohshëm;
- Përfaqësues të kompanive janë paraqitur si një Operator Ekonomik (Grup i Operatorëve) në bazë të marrëveshjes së tyre të koncorsiumit dhe kontratës për kryerjen e shërbimeve- në aktivitetin e caktuar të prokurimit duke fshehur faktin se këta dy Operator Ekonomik gjatë realizimit të kontratës për aktivitetin e prokurimit kanë realizuar shitblerje në mes vete me qëllim të përfitimit të kundërligjshëm të dobisë pasurore për vete apo edhe për të dyshuarit tjerë, si dhe kanë faturuar edhe pjesën e pagesave sa i përket mirëmbajtjes dhe servisimit të veturave të cilat kanë qenë dashur të ofrohen sipas kontratës për një periudhë të caktuar kohore ashtu që kanë mashtruar AK për të nxitur të njëjtin që të kryej këto pagesa;

Disa veprime tjera të cilat e karakterizojnë këtë vepër penale për shkak të natyrës së tyre nuk janë prezantuar për faktin se publikimi i tyre do të mund të dëmtonte procesin e mëtutjeshëm të hetimeve.

**Konflikti i Interesit** - nga neni 424 të KPK-së, kjo vepër penale është karakterizuar me marrjen pjesë të personit zyrtar personalisht në procedurën për dhënien e lejeve të ndërtimit, të aplikuesve, të cilëve vet ua kishte punuar projektet e ndërtimit, në cilësinë e inxhinierit ndërtimor në kuadër të kompanisë ku pronare është bashkëshortja;

**Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare** - nga neni 437 të KPK-së, është vepër penale e re e cila është përcaktuar në Kodin Penal të Kosovës i cili ka hyrë në fuqi nga 01 Janar 2013. Karakteristikë e rasteve të hetuara të cilat kanë të bëjnë me këtë vepër penale është mos deklarimi i pasurisë brenda afateve të përcaktuara kohore sipas ligjit në fuqi (sipas deklarimit të rregullt vjetor, deklarimit me marrjen e detyrës, deklarimi pas mbarimit apo shkarkimit nga funksioni dhe sipas kërkesës së AKK-së) dhe mos paraqitja e të dhënave të kërkuara si paluajtshmëria, pasuria e luajtshme në vlerë mbi tremijë (3 000) Euro, zotërimi i aksioneve në shoqëri tregtare, letrave me vlerë, parave të kursyera në bankë dhe në institucione tjera financiare, detyrimeve financiare ndaj personave fizik dhe juridik dhe të hyrave vjetore, si dhe falsifikimi apo raportimi i rremë i tyre.


## 8. Rastet e përcjella sipas vitit të kryerjes së veprimit të dyshuar korruptiv

Në periudhën raportuese, rastet për të cilat gjatë hetimeve AKK ka gjetur prova për vërtetimin e dyshimeve për veprime korruptive e të cilat janë përcjell për procedim penal të mëtutjeshëm në institucionet kompetente, i takojnë viteve të ndryshme të kryerjes së tyre, duke filluar nga viti 2010 - 2016.

## 9. Numri i rasteve të përcjella që nga funksionalizimi i AKK-së

AKK që nga funksionalizimi e deri në momentin e raportimit, nga të gjitha rastet e hetuara ku janë gjetur prova për vërtetimin e dyshimeve për veprime korruptive, i ka përcjell në prokuroritë kompetente, prokurorinë e EULEX-it, Policinë e Kosovës, Inspektoratin Policor të Kosovës dhe Njësinë e Hetimeve Financiare, gjithsejtë **718** raste.

Në vitin 2007 AKK në Institucionet Kompetente ka përcjellë **47** raste në të cilat kanë qenë të përfshirë **91** persona, në vitin 2008 ka përcjellë gjithsejtë **53** raste në të cilat kanë qenë të përfshirë **113** persona, në vitin 2009 AKK ka përcjellë **68** raste ku janë të përfshirë **159** persona, në vitin 2010 ka përcjellë **33** raste, ndërkah janë të përfshirë **164** persona, në vitin 2011 ka përcjellë **39** raste të përfshirë **121** persona, në vitin 2012 janë përcjellë gjithsejtë **52** raste me përfshirje të **159** personave, në vitin 2013 janë përcjellë gjithsejtë **128** raste kundër **238** personave, në vitin 2014 janë përcjellë gjithsejtë **131** raste kundër **163** personave, në vitin 2016 janë përcjellë gjithsejtë **126** raste kundër **189** personave. Ndërsa, në vitin **2016** janë përcjellë gjithsejtë **41** raste kundër **48** personave.



Grafiku 3. Numri i rasteve të përcjella në organet kompetente si dhe personat e përfshirë (2007- 2016)

Nga numri i përgjithshëm i rasteve të përcjella nga viti 2007 deri 2016 në Prokuroritë Kompetente dhe Policinë e Kosovës, prokuroritë dhe institucionet tjera kanë dhënë informacion kthyes duke konfirmuar se **177** raste janë në procedurë hetimore, janë ngritur **28** aktakuza/ propozim akuza dhe janë nxjerr **62** vendime gjyqësore, **228** raste është konfirmuar se janë hedhur poshtë/pushuar hetimet, ndërsa për **223** raste të përcjella nuk ka informata kthyes.

Në mënyrë tabelore, këto të dhëna duken kështu:

| Nr.              | Institucioni      | Lëndët e përcjella | Hetime     | Aktakuza/ Propozim akuza/ Proces gjyqësorë | Vendime Gjyqësore | Lëndë të hedhura/ pushuara | Pa informata kthye |
|------------------|-------------------|--------------------|------------|--------------------------------------------|-------------------|----------------------------|--------------------|
| 1                | PSH               | 8                  | -          | -                                          | -                 | -                          | 8                  |
| 2                | PSRK              | 21                 | 5          | 2                                          | -                 | 9                          | 6                  |
| 3                | P. e EULEX-it     | 40                 | 7          | 2                                          | -                 | 12                         | 19                 |
| 4                | PTH. Prishtinë    | 423                | 144        | 9                                          | -                 | 128                        | 91                 |
| 5                | PTH. Prizren      | 31                 | 1          | 3                                          | -                 | 16                         | 9                  |
| 6                | PTH. Pejë         | 27                 | 2          | 2                                          | -                 | 20                         | 4                  |
| 7                | PTH. Mitrovicë    | 13                 | 2          | 1                                          | -                 | 6                          | 4                  |
| 8                | PTH. Gjiilan      | 36                 | 2          | 3                                          | -                 | 12                         | 18                 |
| 12               | PTH. Gjakovë      | 18                 | -          | 5                                          | -                 | 4                          | 2                  |
| 15               | PTH. Ferizaj      | 14                 | -          | 1                                          | -                 | 6                          | 8                  |
| 16               | Policia e Kosovës | 76                 | 12         | -                                          | -                 | 14                         | 46                 |
| 17               | IPK               | 5                  | 1          | -                                          | -                 | 1                          | 3                  |
| 18               | FIU               | 6                  | 1          | -                                          | -                 | -                          | 5                  |
| 19               | GTH Prishtinë     | -                  | -          | -                                          | 39                | -                          | -                  |
| 20               | GTH Prizren       | -                  | -          | -                                          | 6                 | -                          | -                  |
| 21               | GTH Gjiilan       | -                  | -          | -                                          | 5                 | -                          | -                  |
| 22               | GTH Gjakovë       | -                  | -          | -                                          | 7                 | -                          | -                  |
| 23               | GTH Mitrovicë     | -                  | -          | -                                          | 3                 | -                          | -                  |
| 24               | GTH Pejë          | -                  | -          | -                                          | 1                 | -                          | -                  |
| 25               | GTH Ferizaj       | -                  | -          | -                                          | 1                 | -                          | -                  |
| <b>Gjithsej:</b> |                   | <b>718</b>         | <b>177</b> | <b>28</b>                                  | <b>62</b>         | <b>228</b>                 | <b>223</b>         |

Tabela 1. Rastet e përcjella nëpër organet kompetente që nga funksionalizimi i AKK-së

Nga gjithsejtë **718** rastet e përcjella në Institucionet kompetente për procedim të mëtutjeshëm penal numri i personave të dyshuar është: **1445** persona te identifikuar, ku në **67** prej këtyre rasteve AKK nuk ka arritur që të identifikoj personat konkret.

Në rastet për të cilët janë ngritur propozim akuza dhe aktakuza nga ana e Prokurorive kompetente, si dhe është duke u zhvilluar proces gjyqësorë janë të përfshirë gjithsejtë **51** persona.

Gjatë periudhës raportuese ka pasur lëvizje progresive sa i përket aspektit të gjykimit të rasteve të dyshuara për korrupsion sipas aktakuzave të ngritura nga Prokuroritë kompetente mbi bazën e kallëzimeve penale të AKK-së. Për disa nga rastet e përcjella ka filluar procesi gjyqësorë, përkatësisht **90** raste, ku prej tyre në **28** raste vazhdon procesi gjyqësorë dhe për **62** raste janë nxjerr edhe vendime gjyqësore. Kryesisht proceset gjyqësore kanë trajtuar aktakuzat e ngritura për veprën penale Mos raportimi ose raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare nga neni 437 të KPK-së.

## 10. Pushimi i hetimeve dhe hedhja poshtë e rasteve

AKK ka vazhduar të bashkëpunoj ngushtë me institucionet e zbatimit të ligjit. Prokuroria në bazë të mandatit të saj ka vazhduar të kërkoj prova shtesë për të shkuar përtej dyshimit të arsyeshëm dhe të bazuar në lidhje me konstituimin e elementeve të veprës penale.

Dispozitat ligjore në fuqi parashohin rastet e pushimit të hetimeve dhe hedhjes poshtë të rasteve të iniciuara në fazën e hetimeve. Rastet janë hedhur poshtë nga Prokuroria në bazë të disa arsyeve:

- Dyshimet e ngritura nga AKK në lidhje me kryerjen e veprës penale me natyrë korruptive nuk përbëjnë vepër penale dhe se rastet e evidentuara janë shkelje administrative;
- Kallëzimet Penale të paraqitura nga AKK janë neglizhuar, dhe si rezultat i kësaj ka skaduar afati i ndjekjes penale ose/dhe është bërë parashkrimi i veprës penale;
- Mos analizimi i detajizuar i provave të paraqitura nga AKK.

Në rastet kur rasti është hedhur poshtë nga Prokuroria për shkak që veprimet përbëjnë shkelje administrative dhe jo vepër penale kanë ndikuar që të bëhet pushimi i hetimeve.

Tek vepra penale ‘mos raportimi’ ose ‘raportimi i rremë i pasurisë, i të ardhurave, i dhuratave, i dobisë tjetër materiale ose i detyrimeve financiare’ arsyetimi për pushimin e hetimeve nga ana e Prokurorisë ka qenë:

- ‘mos-njohuria e zyrtarit të lartë publik se duhet të deklaroj edhe pasurinë e anëtarëve të familjes;
- Mos njoftimi me kohë i zyrtarit të lartë publik nga pikat kontaktuese lidhur me obligimet e tyre ligjore për deklarim të pasurisë;
- Zyrtari i lartë publik ka qenë në vizitë jashtë shtetit;
- Suspendimi i personit kontaktues ka vonuar dorëzimin e formularëve të AKK-së, etj.

Disa prej arsyeve të Aktgjykimeve Refuzuese nga ana e Gjykatave në lidhje me rastet e iniciuara ka qenë për faktin që Prokurorët janë tërhequr nga aktakuzat e ngritura fillimisht.

## 11. Aspekte rreth trajtimit të rasteve në gjykatë

Nga informacionet e pranuar nga Gjykatat respektive lidhur me rastet e dyshuara për korrupsion sipas aktakuzave të ngritura nga Prokuroritë kompetente mbi bazën e kallëzimeve penale të AKK-së, jemi njoftuar lidhur me vendimet e tyre se për **64** aktakuza janë nxjerr **42** Aktgjykime dënuese, **11** aktgjykime lirues, **9** Aktgjykime refuzuese dhe **2** Aktvendime për hedhje poshtë.

Në mënyrë tabelore këto të dhëna sipas Gjykatave duken kështu:

| Nr.              | Institucioni    | Aktgjykim dënues | Aktgjykim lirues | Aktgjykim refuzues | Aktvendim për hedhje poshtë |
|------------------|-----------------|------------------|------------------|--------------------|-----------------------------|
| 1                | GJTH. Prishtinë | 29               | 2                | 8                  | -                           |
| 2                | GJTH. Prizren   | 2                | 3                | 1                  | 1                           |
| 3                | GJTH. Gjilan    | 3                | 2                | -                  | 1                           |
| 4                | GJTH. Gjakovë   | 6                | 1                | -                  | -                           |
| 5                | GJTH. Mitrovicë | 2                | 1                | -                  | -                           |
| 6                | GTH Pejë        | -                | 1                | -                  | -                           |
| 7                | GTH Ferizaj     | -                | 1                | -                  | -                           |
| <b>Gjithsej:</b> |                 | <b>42</b>        | <b>11</b>        | <b>9</b>           | <b>2</b>                    |

*Tabela 2. Vendimet e Gjykatave sipas Nenit 437 të KPK*

## 12. Rastet e mbyllura

Gjatë kësaj periudhe raportuese AKK pas zhvillimit të procedurave hetimore paraprahe ka mbyllur **160** raste. Arsytet për mbylljen e tyre janë si vijon:

- ⇒ **105** raste janë mbyllur për shkak se pas zhvillimit të procedurës së hetimeve paraprahe është konstatuar se nuk ka të dhëna të mjaftueshme apo/dhe dyshim të bazuar se rasti mund të përbëjë vepër penale apo shkelje administrative;
- ⇒ **23** raste janë mbyllur në pajtim me kornizën ligjore në fuqi, për shkak se Agjencia nuk ka pas kompetencën për zhvillimin e procedurës së hetimeve paraprahe; dhe
- ⇒ **32** raste janë mbyllur për shkak se ka qenë duke u zhvilluar procedurë penale nga organet kompetente, ku prej tyre: 3 raste nga Prokuroria Speciale e Republikës së Kosovës, 4 raste nga Prokuroria Themelore në Prishtinë, 2 raste nga Prokuroria Themelore në Prizren, 1 rast nga Prokuroria Themelore në Pejë, 1 rast nga Prokuroria Themelore në Ferizaj, 4 raste nga Prokuroria Themelore në Gjakovë, 16 raste nga DHKEK Policia e Kosovës dhe 1 rast nga Inspektorati Policor i Kosovës.

## V. PARANDALIMI I KORRUPSIONIT

Duke u bazuar në mandatin e AKK gjithë aktiviteti për parandalimin e korrupsionit zhvillohet përmes Departamentit për Parandalimin e Korrupsionit. E gjithë kjo bëhet duke u bazuar në kompetencat ligjore që i ka Agjencia sipas Ligjit nr. 03/L-159 për Agjencinë Kundër Korrupsionit, Ligjit nr. 04/L-228 për Ndryshimin dhe Plotësimin e Ligjit nr. 04/L-050 për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë si dhe Ligjin nr. 04/L-051 për Parandalimin e Konfliktit të Interesit në Ushtrimin e Funkcionit Publik.

Duke u bazuar në atë që cekem me lartë shohim se Departamenti i Parandalimit gjithë veprimtarinë e vet e ushtron përmes tre divizioneve: a) Divizioni për mbikëqyrjen e pasurisë dhe dhuratave, b) Divizioni për parandalimin e konfliktit të interesit si dhe c) Divizioni për parandalimin e korrupsionit në prokurimin publik.

### 1. Deklarimi dhe kontrolli i pasurisë dhe i dhuratave

Baza ligjore në të cilën AKK e mbështet punën e vet për mbikëqyrjen e pasurisë së zyrtarëve të lartë publikë është e definuar në Ligjin nr. 04/L-050 për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të Gjithë Personat Zyrtarë, si dhe Ligjin nr. 04/L-228 për Ndryshimin dhe Plotësimin e Ligjit nr. 04/L-050 për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë Personat Zyrtarë.

AKK mbikëqyrë pasurinë e zyrtarit të lartë publik në bazë të informacionit të dorëzuar nga zyrtarët e lartë publik në formular të posaçëm, i cili është përgatitur nga AKK në pajtim me ligjin në fuqi. Formularët duhet të plotësohen nga zyrtarët e lartë publik dhe të dorëzohen në AKK.

### 2. Llojet e deklarimit të pasurisë

Ligji Nr. 04/L-050 për deklarimin, prejardhjen dhe kontrollin e pasurisë të zyrtarëve të lartë publik dhe deklarimin, prejardhjen dhe kontrollin e dhuratave për të gjithë personat zyrtarë dhe Ligji Nr. 04/L-228 për Ndryshimin dhe Plotësimin e Ligjit Nr. 04/L-050 përcakton këto lloje të deklarimeve:

- Deklarimi i rregullt vjetor;
- Deklarimi me marrjen e detyrës;
- Deklarimi sipas kërkesës së Agjencisë;
- Deklarimi pas mbarimit apo shkarkimit nga funksioni.

**Deklarimi i rregullt vjetor** - Zyrtarët e lartë publik kanë për obligim deklarimin e rregullt vjetor të pasurisë gjatë tërë kohës së punës në shërbimin publik dhe në afate të përcaktuara me ligj. Zyrtarët e lartë publik detyrohen të deklarojnë gjendjen e pasurive të tyre në AKK, nga 1 deri më 31 mars të çdo viti për vitin paraprak nga 1 janar deri më 31 dhjetor. Për këtë periudhë kohore ose deklarimin e rregullt vjetor për vitin 2016 kanë pasur për obligim që ta bëjnë deklarimin e pasurisë së tyre 4352 zyrtar të lartë publik. Prej këtij numri të përgjithshëm e kanë deklaruar pasurinë 4334, ose 99.58 %, pasurinë nuk e kanë deklaruar 18 zyrtar të lartë publik apo 0.42 %.

Për periudhën raportuese gjendja e përgjithshme e procesit të deklarimit të rregullt vjetor të pasurisë paraqitet në tabelën e mëposhtme:

| Institucionet            | Numri i zyrtarëve | Të deklaruar |               | Nuk kanë deklaruar |              |
|--------------------------|-------------------|--------------|---------------|--------------------|--------------|
|                          |                   | Deklarimet   | Përqindjet    | Mos deklarimet     | Përqindjet   |
| Presidenca               | 18                | 18           | 100 %         | 0                  | 0 %          |
| Kuvendi                  | 147               | 147          | 100 %         | 0                  | 0 %          |
| Qeveria                  | 1274              | 1264         | 99.21%        | 6                  | 0.79%        |
| Gjykatat                 | 356               | 356          | 100 %         | 0                  | 0 %          |
| Prokurorit               | 145               | 145          | 100 %         | 0                  | 0 %          |
| Institucionet e Pavarura | 460               | 457          | 99.34 %       | 2                  | 0.66 %       |
| Komunat e Kosovës        | 1592              | 1578         | 99.12%        | 09                 | 0.88%        |
| Ndërmarrjet Publike      | 360               | 358          | 99.44 %       | 1                  | 0.56 %       |
| <b>Gjithsej:</b>         | <b>4352</b>       | <b>4334</b>  | <b>99.58%</b> | <b>18</b>          | <b>0.42%</b> |

Tabela 3. Deklarimi i rregullt vjetor

**Deklarimi me marrjen e detyrës së zyrtarëve të lartë publik** - Zyrtarët e lartë publik të cilët fillojnë punën në shërbimin publik në mënyrë të plotë dhe reale deklarojnë me shkrim pasurinë e tyre brenda afatit ligjor. Zyrtari kontaktues është i detyruar që brenda afatit pesëmbëdhjetë (15) ditor ta njoftoj AKK për fillimin apo përfundimin e punës së zyrtarit të lartë publik, ndërsa zyrtari i lartë publik ka për obligim deklarimin e pasurisë brenda periudhës 30 ditësh nga dita e marrjes së detyrës.

Gjatë vitit raportues kanë pasur për obligim deklarimin e pasurisë me marrjen e detyrës 474 zyrtar të lartë publik. Gjendja e përgjithshme e procesit të deklarimit të pasurisë me marrjen e detyrës për vitin 2015 paraqitet në tabelën e mëposhtme:

| Institucionet            | Numri i zyrtarëve | Kanë deklaruar pasurinë | Përqindjet % |
|--------------------------|-------------------|-------------------------|--------------|
| Presidenca               | 5                 | 5                       | 100          |
| Kuvendi                  | 11                | 11                      | 100          |
| Qeveria                  | 237               | 237                     | 100          |
| Gjykatat                 | 3                 | 3                       | 100          |
| Prokurorit               | 25                | 25                      | 100          |
| Institucionet e Pavarura | 52                | 52                      | 100          |
| Komunat e Kosovës        | 105               | 105                     | 100          |
| Ndërmarrjet Publike      | 36                | 36                      | 100          |
| <b>Gjithsej:</b>         | <b>474</b>        | <b>474</b>              | <b>100</b>   |

Tabela 4. Deklarimi me marrjen e detyrës

**Deklarimi sipas kërkesës së Agjencisë** - AKK në çdo kohë mund të kërkojë nga zyrtari i lartë publik deklarimin e pasurive dhe burimet e krijimit të tyre në pajtim me ligjin. Gjatë kësaj periudhe raportuese AKK ka kërkuar nga 156 zyrtar të lartë publikë deklarimin e pasurisë sipas kërkesës.

Gjendja e deklarimit të pasurisë sipas kërkesës paraqitet në tabelën e mëposhtme:

| Institucionet            | Numri i zyrtarëve | Kanë deklaruar pasurinë | Përqindjet % |
|--------------------------|-------------------|-------------------------|--------------|
| Presidenca               | 1                 | 1                       | 100          |
| Kuvendi                  | 4                 | 4                       | 100          |
| Qeveria                  | 27                | 27                      | 100          |
| Gjykatat                 | 7                 | 7                       | 100          |
| Prokurorit               | 2                 | 2                       | 100          |
| Institucionet e Pavarura | 11                | 11                      | 100          |
| Komunat e Kosovës        | 94                | 94                      | 100          |
| Ndërmarrjet Publike      | 10                | 10                      | 100          |
| <b>Gjithsej:</b>         | <b>156</b>        | <b>156</b>              | <b>100</b>   |

Tabela 5. Deklarimi sipas kërkesës së AKK-së

**Deklarimi i pasurisë pas mbarimit apo shkarkimit nga funksioni** - Pas përfundimit të punës në pozitën e lartë publike, zyrtarët e lartë publik kanë për obligim deklarimin e pasurisë brenda afatit tredhjet (30) ditor.

Gjatë kësaj periudhe deklarimin e pasurisë pas largimit nga funksioni publik, kemi pranuar njoftimin nga zyrtarët kontaktues se 237 zyrtar të lartë publik kanë pasur për obligim të deklarojnë pasurinë.

Gjendja e përgjithshme e procesit të deklarimit të pasurisë pas mbarimit apo shkarkimit nga funksioni publik paraqitet në tabelën e mëposhtme:

| Institucionet            | Numri i zyrtarëve | Kanë deklaruar pasurinë | Përqindjet % |
|--------------------------|-------------------|-------------------------|--------------|
| Presidenca               | 10                | 10                      | 100          |
| Kuvendi                  | 7                 | 7                       | 100          |
| Qeveria                  | 105               | 105                     | 100          |
| Gjykatat                 | 10                | 10                      | 100          |
| Prokurorit               | 5                 | 5                       | 100          |
| Institucionet e Pavarura | 30                | 30                      | 100          |
| Komunat e Kosovës        | 40                | 40                      | 100          |
| Ndërmarrjet Publike      | 30                | 30                      | 100          |
| <b>Gjithsej:</b>         | <b>237</b>        | <b>237</b>              | <b>100</b>   |

Tabela 6. Deklarimi i pasurisë pas mbarimit apo shkarkimit nga funksioni publik

Bazuar në të dhënat e raportuara gjatë vitit 2016, për të gjitha llojet e deklarimit kanë qenë të obliguar ta bëjnë deklarin 5219 zyrtar të lartë publik.

Pasqyrimi i deklarimit vjetor për të gjitha llojet e deklarimit të pasurisë:

| Lloji i deklarimit                               | Të obliguar | Kanë deklaruar | Nuk kanë deklaruar |
|--------------------------------------------------|-------------|----------------|--------------------|
| <b>Deklarimi i rregullt vjetor</b>               | 4352        | 4334           | 18                 |
| <b>Me marrjen e detyrës</b>                      | 474         | 474            | 0                  |
| <b>Sipas kërkesës</b>                            | 156         | 156            | 0                  |
| <b>Pas mbarimit apo shkarkimit nga funksioni</b> | 237         | 237            | 0                  |
| <b>Numri i përgjithshëm</b>                      | <b>5219</b> | <b>5201</b>    | <b>18</b>          |

Tabela 7. Deklarimi i pasurisë 2016

### 3. Kontrolli i deklarimit të pasurisë

Bazuar në mandatin që ka, AKK ka zhvilluar kontrollin paraprak dhe kontrollin e plotë të formularëve për deklarin të pasurisë të paraqitur nga zyrtarët e lartë publik.

**Kontrolli paraprak** - Kontrolli paraprak kryhet për çdo formular për të verifikuar ekzistimin/ apo mos ekzistimin e gabimeve materiale ose plotësimeve të gabuara të formularit. Gjatë regjistrimit të të dhënave në data bazë kemi bërë edhe kontrollin paraprak, ku kemi vërejtur shumë gabime në plotësimin e formularëve për deklarin të pasurisë, gabime më të theksuara i kemi vërejtur tek zyrtarët e lartë publik që kanë deklaruar pasurinë për herë të parë, si dhe tek zyrtarët e institucioneve të niveleve lokale.

Në rastet kur kemi vërejtur gabime të vogla apo gabime të cilat kemi pasur mundësi përmirësimi përmes kontaktit telefonik, në i kemi kontaktuar dhe i kemi evituar ato gabime teknike. Në rastet më të theksuara ju kemi drejtuar me shkresa zyrtare. Në 156 raste kemi vërejtur gabime teknike tek formularët për deklarin të pasurisë së paraqitur, të cilëve ju kemi dërguar shkresa zyrtare ku i kemi kërkuar përmirësim apo plotësimin e të dhënave sipas kërkesave të formularit dhe legjislacionit në fuqi.

**Kontrolli i plotë** - Kontrolli i plotë kryhet për ta verifikuar vërtetësinë dhe saktësinë e të dhënave të deklaruara në formular. AKK ka obligim ligjor për të zhvilluar kontrollin e plotë për zyrtarët e lartë publikë të cilët deklarojnë pasurinë. Gjatë periudhës raportuese AKK ka bërë kontrollin e plotë për 20% nga numri i përgjithshëm i deklarimeve në bazë të shortit të organizuar i cili parashihet me ligjin për deklarin të pasurisë. Po ashtu kemi trajtuar të gjitha informacionet që kemi pasur sa i përket deklarimit të pasurisë.

AKK ka bërë krahasimin e të dhënave të deklaruara ndër vite, krahasimin e të dhënave të pranuara nga institucionet tjera si: Agjencia e Regjistrimit të Bizneseve, Agjencia Kadastrale e Kosovës, Ministria e Financave, Ndërmarrjet Publike, Agjencia e Regjistrimit të Veturave, Administrata Tatimore e Kosovës, Universitetet Private, Njësia e Inteligjencës Financiare, Dogana etj.

Nga numri i përgjithshëm i zyrtarëve të lartë publik që kanë për obligim deklarin e pasurisë janë kontrolluar 805 formular, ku në 281 raste janë vërejtur ndryshime dhe kemi kërkuar sqarime shtesë, dhe nga këto 38 raste i kemi dërguar për paraqitjen e kallëzimeve penale në Departamentin për Luftimin e Korrupsionit.

Agjencia i ka trajtuar edhe 19 raste ex-officio apo sipas informatave të raportuara nga qytetarët përmes formave të ndryshme.

Tabela e mëposhtme pasqyron procesin e kontrollit të plotë:

| Sipas listës së shortit | Ex-officio | Gjithsej të kontrolluara | Pa ndryshime | Ndryshime të evidentuar | Të përcjella në DLK |
|-------------------------|------------|--------------------------|--------------|-------------------------|---------------------|
| 805                     | 19         | 824                      | 543          | 281                     | 38                  |

*Tabela 8. Kontrolli i plotë i deklarimit të pasurisë si dhe rezultatet e gjetjeve nga kontrolli i plotë*

#### 4. Katalogu i dhuratave

Bazuar në Ligjin nr. 04/L-050 si dhe Ligjin nr. 04/L-228, Institucionet publike duhet t'i emërojnë zyrtarët përgjegjës për mbajtjen e regjistrit të dhuratave. Të gjitha dhuratat e pranuar dhe vlera e tyre përkatëse, si dhe emrat e personave që kanë dhënë dhuratën, duhet të regjistrohen në regjistrin e dhuratave nga personi zyrtar që përcaktohet nga Agjencia dhe që mbahen nga institucioni, në të cilin personi zyrtar ushtron detyrën. Kopjet e katalogëve duhet t'i dërgojnë në AKK jo më vonë se më 31 mars të vitit në vijim.

##### 4.1. Dorëzimi i katalogut të dhuratave

AKK gjatë muajit mars të vitit 2016 ka pranuar njoftimin nga njëmbëdhjete (11) institucione të cilat kanë deklaruar se kanë pranuar dhurata, ndërsa tredhjet e gjashtë (36) institucione tjera kanë deklaruar se nuk kanë pranuar dhurata gjatë vitit paraprak.

Institucionet të cilat kanë dorëzuar kopjet e katalogut të dhuratave gjatë këtij viti për vitin paraprak janë: Presidenca 30 dhurata; Kuvendi i Kosovës 25 dhurata; Zyra e Kryeministrit 14 dhurata; Ministria e Integritetit Evropian 16 dhurata; Ministria e Bujqësisë, Pylltarisë dhe Zhvillimit Rural 3 dhurata; Këshilli Kombëtar për Trashëgimi Kulturor 3 dhurata; Policia e Kosovës 2 dhurata; Gjykata Kushtetuese 4 dhurata; Prokuroria e Shtetit 10 dhurata; Zyra e Prokurorit Disiplinor 5 dhurata; dhe Zyra e Auditorit të Përgjithshëm 14 dhurata.

Të dhënat e specifikuara lidhur me katalogët e dhuratave sipas institucioneve që i kanë dorëzuar kopjet e katalogut në AKK, janë të paraqitura në tabelën në vijim:

| Institucioni                                           | Protokollare | Rastit    | Numri i përgjithshëm |
|--------------------------------------------------------|--------------|-----------|----------------------|
| Presidenca                                             | 26           | 4         | 30                   |
| Kuvendi                                                | 25           | 0         | 25                   |
| Zyra e Kryeministrit                                   | 9            | 5         | 14                   |
| Ministria e Integriteteve Evropiane                    | 4            | 12        | 16                   |
| Ministria e Bujqësisë, Pylltarisë dhe Zhvillimit Rural | 3            | 0         | 3                    |
| Këshilli Kombëtar për Trashëgimi Kulturor              | 3            | 0         | 3                    |
| Policia e Kosovës                                      | 2            | 0         | 2                    |
| Gjykata Kushtetuese                                    | 4            | 0         | 4                    |
| Prokuroria e Shtetit                                   | 10           | 0         | 10                   |
| Zyra e Prokurorit Disiplinor                           | 5            | 0         | 5                    |
| Zyra e Auditorit të Përgjithshëm                       | 0            | 14        | 14                   |
| <b>Gjithsej:</b>                                       | <b>91</b>    | <b>35</b> | <b>126</b>           |

Tabela 9. Tabela e deklarimit të dhuratave gjatë vitit 2016

Lista e zyrtarëve të lartë publik që nuk e kanë deklaruar pasurinë në vitin 2016:

| Nr. | Emri dhe Mbiemri     | Institucioni                                   |
|-----|----------------------|------------------------------------------------|
| 1   | Usmen Baldzi         | Ministria e Arsimit, Shkencës dhe Teknologjisë |
| 2   | Valbona Mjeku        | Ministria e Arsimit, Shkencës dhe Teknologjisë |
| 3   | Sigurd Hoellinger    | Universiteti i Prishtinës                      |
| 4   | Muhamet Sadiku       | Universiteti i Pejës                           |
| 5   | Alisa Limaj          | Ministria e Zhvillimit Ekonomik                |
| 6   | Bejtullah Destani    | Ministria e Punëve të Jashtme                  |
| 7   | Safet Voca           | Agjencia për Ndihmë Juridike Falas             |
| 8   | Zarko Joksimovic     | Radio Televizioni i Kosovës                    |
| 9   | Valbona Krasniqi     | Komuna Hani i Elezit                           |
| 10  | Bozidar Sarkovic     | Komuna e Klinës                                |
| 11  | Ramush Agushi        | Komuna e Klinës                                |
| 12  | Senad Daciq          | Komuna e Pejës                                 |
| 13  | Ejup Kabashi         | Komuna e Rahovecit                             |
| 14  | Jelena Mitrović      | Komuna e Ranillukut                            |
| 15  | Rexhep Morina        | Komuna e Suharekës                             |
| 16  | Dejan Radojković     | Komuna e Zubin Potokut                         |
| 17  | Nevzat Kabashi       | K.R.M "Ekoregjion" Sh.A. Prizren               |
| 18  | Caslav Milisavljevic | Komuna e Zveqanit                              |

Tabela 10. Emrat e zyrtarëve publik që nuk e kanë deklaruar pasurinë

## 5. Parandalimi i konfliktit të interesit

Në pajtim me dispozitat e parapara me Ligjin për Parandalimin e Konfliktit të Interesit në Ushtrimin e Funksionit Publik, dhe në përgjithësi të Ligjit për Agjencinë kundër Korrupsionit, Divizioni për parandalimin e konfliktit të interesit ka zhvilluar një numër të aktiviteteve të caktuara që për qëllim ka pasur paralajmërimin e zyrtareve të lartë për parandalimin dhe për shmangien nga konflikti i interesit, si dhe ka ofruar për institucione qendrore dhe lokale opinione për situata të konfliktit të interesit.

Gjatë periudhës raportuese AKK ka trajtuar 210 raste për situatë të konflikt të interesit. I gjithë procesi ka kaluar përmes një bashkëpunimi që AKK ka me Institucionet Publike, Autoritetet Përgjegjëse, me Nëpunësit Publikë, me media, shoqërinë civile, si dhe përmes informacioneve të marra nga burime të ligjshme.

Tabela në vijim pasqyron procesin dhe rastet e trajtuara në total për konflikt të interesit gjatë vitit 2016:

| Institucioni             | Rastet e paraqitura për konflikt të interesit | Raste që janë shmangur nga Konflikti i Interesit | Raste Pa Konflikt Interesi | Raste ende në procedim | Rastet e përcjella për hetim | Kërkesa për kundërvajtje/ për shkarkim | Opinion - Këshilla |
|--------------------------|-----------------------------------------------|--------------------------------------------------|----------------------------|------------------------|------------------------------|----------------------------------------|--------------------|
| Qeveria                  | 91                                            | 49                                               | 3                          | 10                     | 0                            | 1                                      | 28                 |
| Kuvendi i Kosovës        | 6                                             | 1                                                | 1                          | 0                      | 0                            | 0                                      | 4                  |
| Gjykata /Prokuroria      | 3                                             | 1                                                | 0                          | 0                      | 0                            | 0                                      | 2                  |
| Institucionet e pavarura | 8                                             | 1                                                | 1                          | 2                      | 0                            | 0                                      | 4                  |
| Ndërmarrje Publike       | 31                                            | 2                                                | 0                          | 26                     | 0                            | 0                                      | 3                  |
| Pushteti Lokal           | 71                                            | 36                                               | 6                          | 15                     | 1                            | 0                                      | 13                 |
| <b>Gjithsej:</b>         | <b>210</b>                                    | <b>90</b>                                        | <b>11</b>                  | <b>53</b>              | <b>1</b>                     | <b>1 (Kërkesë për shkarkim)</b>        | <b>54</b>          |

Tabela 11. Rastet e trajtuara për konflikt të interesit gjatë vitit 2016

Rastet që kanë qenë në procedurë të bartura nga viti 2015 në vitin 2016 kanë rezultuar si në vijmë :

- ⇒ **Qeveria**- (2) dy raste kanë rezultuar pa konflikt të Interesit, për (1 ) një rast është dhënë Opinion;
- ⇒ **Institucionet e Pavarura** – (1) një rast ka rezultuar pa Konflikt të Interesit;
- ⇒ **Ndërmarrjet Publike** – (1) një rast është shmangur Konflikti i Interesit, (3) tri raste kanë rezultuar pa Konflikt të Interesit;
- ⇒ **Pushteti Lokal**- në (30) tridhjetë raste është Shmangur Konfliktit i Interesit, (3) tri raste kanë rezultuar pa Konflikt të Interesit, në (8) tetë raste është konstatuar Konflikti i Interesit dhe është kërkuar shkarkimi nga funksioni, në (2) dy raste është dhënë Opinion.

## 6. Parandalimi i korrupsionit në prokurimin publik

Aktivitetet e parandalimit të korrupsionit në fushën e prokurimit publik nga ana e Agjencisë i zhvillon Divizioni për Parandalimin e Korrupsionit në Prokurimin Publik.

Për realizimin e këtyre aktiviteteve Agjencia mbështetet fillimisht në Ligjin mbi Agjencinë, Ligjin mbi Konfliktin e Interesit si dhe mbi monitorimin e zbatueshmerisë së këtij kuadri ligjor: Ligjin mbi Prokurimin Publik, Ligjin për Partneritetet Publiko-privat, Ligjin për Standardizimin, Ligjin për shoqëritë tregtare, Ligjin për Administratën Tatimore, Ligjin për markat si dhe ligjet tjera që janë relevante për Parandalimin e Korrupsionit.

Me qëllim të parandalimit të korrupsionit AKK ka trajtuar shumë burime të informacionit dhe ka intervenuar në rastet kur ka pasur dyshim se ka mosrespektim të ligjit në fushën e Prokurimit Publik.

Mirëpo përkrah këtyre ligjeve, AKK përkujdeset edhe për implementimin e dokumenteve të legjislacionit dytësor nga autoriteti kontraktues dhe akteve dytësor që rregullojnë fushën e prokurimit publik.

Agjencia gjatë vitit 2016 në vazhdimësi ka siguruar përcjelljen e publikimeve të autoriteteve kontraktuese për aktivitet e tyre në web faqen e Komisionit Rregullativ të Prokurimit Publik (KRPP) dhe publikimet në media të cilat i ka konsideruar si burime informacioni për shkeljet e mundshme ligjore në prokurimin publik. Me theks të veçantë janë informacionet e pranuar nga qytetarët, operatorët ekonomik të ndryshëm në lidhje me dyshimet për veprimet korruptive në çdo fazë të aktivitetit të prokurimit.

Në vitin 2016 janë identifikuar gjithsejtë 127 raste të ndryshme për shkelje të mundshme të LPP, për të cilat është marrë Vendim për fillimin e procedurës së parandalimit të korrupsionit në prokurimin publik. Ndërsa për trajtimin e rasteve ne kemi paraqitur 103 kërkesa të autoritetet kontraktuese të nivelit lokal dhe qendror, me të cilat kemi kërkuar dokumentacion për aktivitetet e caktuara të prokurimit, ku i tërë dokumentacioni na është ofruar brenda afatit të kërkuar.

Në përmbushje të obligimit ligjor lidhur me monitorimin e aktiviteteve të prokurimit Agjencia ka qenë pjesëmarrëse në 17 autoritete kontraktuese ku 13 raste kemi bërë njoftim zyrtar për vëzhgim, ndërsa 4 raste kanë qenë me kërkesë të autoriteteve kontraktuese me të cilat kemi informuar autoritet kontraktuese se do jemi pjesë e vëzhgimit në ekzaminim, vlerësim dhe krahasim të ofertave për aktivitetet e caktuara të prokurimit. Vlen të theksohet se të gjitha autoritet e kanë informuar Agjencinë për kohën dhe vendin e saktë të fillimit të procesit të vlerësimit. Andaj zyrtarët e Divizionit për Parandalim kanë marrë pjesë në cilësinë e vëzhguesit gjatë zhvillimit të procedurave të disa tenderëve, dhe në raste të caktuara kemi vërejtur favorizime të operatoreve ekonomik, apo mosrespektim të dispozitave ligjore, dhe si Divizion ka dhënë rekomandime për autoritetet kontraktuese, ku të njëjtit pastaj kanë vepruar në pajtueshmëri me rekomandimet tona të bazuara në ligj.

Vlen të theksohet se edhe ky vit karakterizohet me rritje të bashkëpunimit mes institucioneve të Republikës së Kosovës dhe Agjencisë kundër Korrupsionit, me funksion të rritjes së transparencës kemi pranuar ftesë zyrtare nga më shumë se 13 institucione për vëzhgimin e procesit të prokurimit.

Në Divizionin për Parandalimin e Korrupsionit në Prokurim Publik gjatë vitit raportues janë trajtuar gjithsej 127 lëndë në fushën e parandalimit të korrupsionit në prokurimin publik. Nga këto raste kemi rezultuar me 62 opinione të respektuara, 37 raste të mbyllura, 25 këshilla, si dhe 3 raste në procedurë.

Tabela në vijim pasqyron saktë rastet të cilat Agjencia i ka trajtuar gjatë vitit 2016 në fushën e parandalimit të korrupsionit në Prokurimin Publik:

| <b>Raste</b> | <b>Opinione</b> | <b>Raste të mbyllura</b> | <b>Këshilla</b> | <b>Në Procedurë</b> |
|--------------|-----------------|--------------------------|-----------------|---------------------|
| <b>127</b>   | <b>62</b>       | <b>37</b>                | <b>25</b>       | <b>3</b>            |

*Tabela 12. Rastet e trajtura gjatë vitit 2016 në fushën e parandalimit të korrupsionit në prokurimin publik*

## VI. MBËSHTETJA, BASHKËPUNIMI DHE MARRËDHËNIET ME PUBLIKUN

Në kuadër të Zyrës së Drejtorit ekzistojnë njësi të caktuara që kryejnë shërbime administrativo-profesionale si dhe kultivojnë frymën e transparencës duke dhënë mbështetje profesionale për stafin e agjencisë. Këtë mbështetje e ofrojnë këto zyre dhe njësi:

- Zyra për mbështetje, bashkëpunim dhe informim
- Resurset njerëzore; dhe
- Prokurimi

### 1. Zyra për Mbështetje, Bashkëpunim dhe Informim

Aktivitetet e AKK-së që kanë të bëjnë me Zyrën për bashkëpunim dhe Informim e cila udhëhiqet nga Shefi i zyrës sipas organogramit i ka nën menaxhim, zyrtarin e lartë ligjor, administratorin e sistemit të teknologjisë informative dhe zyrtarin e lartë për arkiva. Sa i përket aktiviteteve të saj gjatë periudhës raportuese, Zyra për mbështetje bashkëpunim dhe informim, është përqendruar në këto aktivitete:

- Bashkëpunimi ndërkombëtar;
- Takimet me gazetarë dhe qytetarë;
- Konferencat dhe komunikatat për shtyp;
- Monitorimi i mediave;
- Ndihma Ligjore;
- Administrimi i teknologjisë informative;
- Arkiva qendrore.

**Bashkëpunimi dhe informimi** - AKK vazhdimisht ka kultivuar frymën e bashkëpunimit të mirë me institucione dhe organizata ndërkombëtare. Gjatë vitit 2016, zyrtarët e Agjencisë kanë marrë pjesë në disa konferenca vendore dhe ndërkombëtare, nga ku kanë marrë përvoja në luftën kundër Korrupsionit. Student ndërkombëtar, kanë shfaqur interesim të vazhdueshëm për AKK-në, ata kanë gjetur gatishmërinë e Drejtorit dhe stafit të Agjencisë për ti njoftuar rreth punës së Agjencisë në përgjithësi.

**Takimet me gazetarë dhe qytetarë** - Gjatë periudhës raportuese, për iniciativat dhe aktivitetet e AKK-së, ka pasur një interesim të madh si nga ana e komunitetit të gazetarëve, të shoqërisë civile ashtu edhe nga ana e publikut, ku është demonstruar një gatishmëri e plotë për të bashkëpunuar ngushtësisht në luftën kundër korrupsionit. Zyrtarët e AKK-së kanë qenë gjithmonë të gatshëm që çdo të interesuari ti ofrohet ndihma profesionale si edhe bashkëpunimi në rastet kur ka pasur dyshime të bazuara për raste korruptive.

**Konferencat dhe komunikatat për shtyp** - AKK gjatë periudhës raportuese, ka luajtur një rol të rëndësishëm në bërjen publike dhe në shpërndarjen e komunikatave për shtyp lidhur me aktivitetet për hetimin e rasteve të dyshuara korruptive por edhe përkitazi me rezultatet e deklaramit të pasurisë së zyrtareve të lartë, në të gjitha mediat e shkruara dhe elektronike.


**Ueb faqja e AKK-së** - Gjatë kësaj periudhe në ueb faqen e AKK-së janë publikuar rreth 4200 deklaramime të pasurisë, 195 vendime për konflikt interesi, 58 opinione, mbi 240 emaila janë shpërnda

departamenteve dhe zyrës së drejtorit nga email zyrtarë i AKK-së si dhe dhjetëra komunikata, njoftime, reagime, takime, që janë publikuar në ueb faqen e AKK-së dhe shumë prej tyre janë përcjell në media. Një interesim shumë i madh i medias dhe publikut në përgjithësi ka qenë i shprehur me rastin e bërjes publike të deklarimit të pasurisë së zyrtarëve të lartë publik dhe konfliktit të interesit dhe raportit vjetor të AKK-së.

**Monitorimi i mediave** - Shkrimet e mediave për punën e AKK-së mblidhen dhe këto raporte mediale, rregullohen në formë fletushke, ku mediat kanë bërë prezantimin e punës së Agjencisë kundër Korrupsionit gjatë vitit 2016. Po ashtu një angazhim tjetër është monitorimi i shkrimeve mediale që kanë të bëjnë me raportimet përkitazi me aktivitetet e dyshuara korruptive nga individ në institucionet publike.

Gjatë vitit 2016 janë publikuar në mediat e shkruara dhe elektronike rreth 106 shkrime për dyshime për korrupsion.


Tabela e më poshtme pasqyron në formë grafike numrin e shkrimeve për korrupsion të cilat janë publikuar nga mediat e shkruara të Kosovës gjatë vitit 2016:



Grafiku 5. Shkrimet për Korrupsion në shtypin ditor sipas muajve gjatë vitit 2016

Sa i përket punës së AKK-së janë botuar gjithsej 59 artikuj, intervista, komente dhe opinione të ndryshme për punën e Agjencisë. Vlerësimi në kuptim të pozitivitetit të raporteve për këtë institucion del se mbi 80% të shkrimeve kanë qenë pozitive për punën e AKK-së.

Grafet e më poshtme pasqyrojnë numrin e shkrimeve që janë botuar në mediat e shkruara të Kosovës për punën e AKK-së sipas muajve gjatë vitit 2016.



Grafiku 6. Numri i shkrimeve i të gjitha mediave të shkruara për punën e Agjencisë

### 1.1 Punët juridike

**Parashtresat juridike** - Gjatë vitit 2016 sipas nevojës dhe kërkesave janë përgatitur dhe nxjerrë shumë parashtresa juridike (vendime, kërkesa, kontrata e të tjera) si dhe janë përgatitur shumë këshilla ligjore, sipas kërkesës dhe nevojës së Agjencisë. Numri i parashtresave juridike ka qenë mbi 100.

**Punët mbështetëse** - Gjatë vitit 2016, janë kryer edhe shumë punë mbështetëse, si pjesëmarrja në Komisionet e vlerësimit në aktivitetet e Prokurimit publik, ofrimi i ndihmës Njësive organizative në kuadër të Agjencisë, sipas nevojës dhe kërkesave e të tjera.

### 1.2 Menaxhimi i sistemit të TI-së

Sistemi i teknologjisë informative në AKK, gjatë vitit 2016 ka vazhduar rrjedhën e avancimit të pajisjeve harduerike dhe softuerëve për lehtësimin e punës së përditshme të zyrtarëve të Agjencisë.

Ka vazhduar menaxhimi dhe azhurnimi i të dhënave elektronike të punës së Agjencisë, si: të dhënat e deklarimit të pasurisë, të dhënat e konfliktit të interesit, hetimeve dhe parandalimin e korrupsionit në prokurimin publik.

Aplikacioni për ruajtjen dhe menaxhimin e të dhënave për deklarimin e pasurisë është avancuar në atë mënyrë që të mundësoj përpilimin e raporteve të deklarimeve vjetore të pasurisë dhe të bëjë përzgjedhjen e 20% të zyrtarëve të lartë publikë, të cilëve do t’ju bëhet kontrolli i plotë i pasurisë.

Edhe këtë vit kemi vazhduar në mënyrë të njëjtë të bëjmë publikim e deklarimit të pasurisë, duke shfrytëzuar SDRP-në (Sistemi i Deklarimit dhe Regjistrimit të Pasurisë), me këtë rast SDRP në mënyrë automatike bënë përpunimin e të dhënave të futura në të, dhe nxjerr regjistra të veçantë për secilin zyrtar në formatin pdf. Këta regjistra përmbajnë të dhënat e deklarimit të pasurisë të cilat janë të obligueshme për t’u publikuar. Këta regjistra i publikojmë në ueb faqen e AKK-së: <http://www.akk-ks.org/?cid=1,1178>.

Për çdo vit, sistemi i teknologjisë informative është avancuar dhe ka përcjell teknologjinë së bashku me profesionalizmin.

### 1.3 Arkiva

Sa i përket lendeve të regjistruara në librin e protokollit për vitin 2016, libri i protokollit është përmbyllur me numër protokollit 02-01-4933/16 (katër mijë e nëntëqind e tridhjetë e tre) të datës 30.12.2016.

Gjatë vitit 2016 janë përdorur dy libra të protokollit. Libri i parë ka filluar me numrin 02-01-2016 të datës, 05.01.2016 dhe ka përfunduar me numrin 02-02-2990/16 (dymijë e nëntëqind e nëntëdhjetë) të datës 06.09.2016, ndërsa libri i dytë i protokollit ka filluar nga numri 03-01-2991/16 (dymijë e nëntëqind e nëntëdhjetë e një) të datës 06.09.2016 dhe ka përfunduar me numrin 02-01-4933/16 (katër mijë e nëntëqind e tridhjetë e tre) të datës 31.12.2016.

Të gjitha shkresat e nënshkruara dhe të protokolluara nga Drejtori i Agjencisë pas regjistrimit në librin e protokollit përcillen te Drejtori, Shefi dhe zyrtari përkatës për procedurë të mëtutjeshme, ndërsa shkresat e pranuar (hyrje) në Agjenci, pas regjistrimit në librin e protokollit përcillen në njësinë organizative përkatëse, me mbajtje të evidencës për lëndët e pranuar dhe të dorëzuara.

Arkiva e cila funksionon në kuadër të Zyrës për Mbështetje, Bashkëpunim dhe Informim si dhe me Departamentin e Parandalimit gjatë vitit 2016 ka përcjellë shkresat për ueb faqe të Agjencisë, si: opinionet e Divizionit të Parandalimit të Korrupsionit në Prokurimin Publik, vendimet e Divizionit të Parandalimit të Konfliktit të Interesit, në rastet kur ekziston konflikt interesi dhe në raste kur kemi mblyllje të rasteve të konfliktit të interesit.

Për arsye objektive Drejtori i Agjencisë ka bërë edhe anulimin e lëndëve: 01-340/16-DLK-të datës 29.01.2016; 01-987/16 M. Shëndetësisë e datës 04.03.2016; 01-988/16 P.TH. Prizren e datës 04.03.2016; 01-1737/16 MKRS e datës 13.05.2016; 01-1738/16 DPKI e datës 13.05.2016, si dhe shkresa me nr. 03-02-2492/16 MKRS e datës 03.08.2016.

Në regjistrimin e librit të protokollit janë bërë disa gabime teknike, duke filluar nga shkresat me numrin 1013/16 të datës 08.03.2016, deri te shkresat e regjistruara me datën 09.03.2016.

Formularët e Deklarimit të Pasurisë së Zyrtarëve të Lartë Publik janë protokolluar në librin e veçantë të menaxhuar nga Divizioni i Mbikëqyrjes së Pasurisë.

## 2. Resurset njerëzore

Gjatë kësaj kohe Zyra e Personelit ka ushtruar shumë aktivitete: duke mbikëqyr paraqitjen dhe punën e nëpunësve, kujdeset të ketë proces efikas të rekrutimit në Agjencinë kundër Korrupsionit, vlerësimet e zyrtarëve, zbatimi i SIMBNJ-së, plani i personelit, trajnime, ndryshime në paga, pushime etj. Raportimet e vazhdueshme në kuadër të MAP-it lidhur me të dhënat në Shërbimin Civil. Ka bërë mirëmbajtjen e statistikave të personelit duke u bazuar në nevojat analitike të AKK-së. Të gjitha këto janë punuar komfor rregulloreve të punës për shërbimin civil si dhe kërkesave të MAP-it, konkretisht DASHC-së. Shihni të bashkangjitur evidencën e trajnimeve për këtë periudhë kohore. (*Shtojca III*)

## 3. Prokurimi Publik

Agjencia si autoritet kontraktues gjatë periudhës raportuese ka zhvilluar aktivitete të prokurimit sipas llojeve të prokurimit furnizim dhe shërbime. Në mënyrë tabelare aktivitetet e prokurimit duken kështu:

| Procedura | Lloji i aktivitetit të prokurimit | Numri i aktiviteteve | Çmimi i kontratës, duke përfshirë të gjitha taksat etj. |
|-----------|-----------------------------------|----------------------|---------------------------------------------------------|
| Furnizim  | Kuotim Çmimi                      | 2                    | 4,467.60 €                                              |
| Shërbime  | Kuotim Çmimi                      | 3                    | 5,604.58 €                                              |
| Furnizim  | Vlerë minimale                    | 2                    | 1,160.00 €                                              |
| Gjithsej  | -                                 | 7                    | 11,232.18 €                                             |

Tabela 13. Pasqyra e aktiviteteve të Prokurimit Publik

Informatë : Nga data 07.06.2016, të gjitha aktivitetet e prokurimit të Agjencive të Pavarura që janë në kuadër të Kuvendit të Republikës së Kosovës e të cilat janë të shënuara në këtë memorandum shpjegues do të zhvillohen nga Agjencia Qendrore e Prokurimit, konform nenit 21/A paragrafi 2 i të Ligjit nr. 04/L-042 i ndryshuar dhe i plotësuar me Ligjin 04/L-037, Ligjin nr. 05/L-068 dhe Ligjin nr. 05/L-092.

## 4. Buxheti (Përmbledhje e zhvillimeve kryesore)

Duke u bazuar në vlerësimet e brendshme nga njësitë organizative, janë përgatitur kërkesat për ndarje buxhetore. Kuvendi i Republikës së Kosovës dhe Qeveria kanë aprovuar kërkesën, duke ndarë fonde për vitin 2016. Tabela në vazhdim pasqyron ndarjet buxhetore sipas kategorive ekonomike:

| Nr. | Kategoritë ekonomike  | Buxheti i aprovuar (fillestar) | Buxheti i rishikuar (final) |
|-----|-----------------------|--------------------------------|-----------------------------|
| 1   | Pagat dhe mëditjet    | 354,258.00                     | 354,708.84                  |
| 2   | Mallrat dhe shërbimet | 138,908.00                     | 73,685.61                   |
| 3   | Shpenzimet komunale   | 8,500.00                       | 2,758.98                    |
|     | <b>Totali</b>         | 501,666.00                     | 431,153.43                  |
| 4   | Granti Banka Botërore | 15,167.79                      | 15,167.79                   |

|  |                              |            |            |
|--|------------------------------|------------|------------|
|  | <b>Totali i përgjithshëm</b> | 516,833.79 | 446,321.22 |
|--|------------------------------|------------|------------|

Tabela 14. Pasqyra e ndarjes buxhetore sipas kategorive ekonomike

Pas rishikimit, në buxhetin final janë bërë ndryshime sipas kategorive ekonomike të cilat janë të evidentuara si kursime. Këto ndryshime janë më shumë të shprehura në kategorinë e Mallrave dhe Shërbimeve dhe në Shpenzimet Komunale. Më vonë, si kursime, me vendim janë marrë nga Qeveria dhe janë destinuar për nevoja tjera.

Tabela në vijim pasqyron shpenzimet pas rishikimit të buxhetit:

| Nr. | Kategoritë ekonomike         | Buxheti    | Shpenzimet | % e realizimit |
|-----|------------------------------|------------|------------|----------------|
| 1   | Paga dhe mëditje             | 354,708.84 | 354,708.84 | 100            |
| 2   | Mallra dhe shërbime          | 73,685.61  | 72,824.51  | 98.83          |
| 3   | Shpenzimet komunale          | 2,758.98   | 2,606.24   | 94.46          |
|     | <b>Totali</b>                | 431,153.43 | 430,139.59 | 99.76          |
| 4   | Granti Banka Botërore        | 15,167.79  | 1,785.00   | 11.77          |
|     | <b>Totali i përgjithshëm</b> | 446,321.22 | 431,924.59 | 96.77          |

Tabela 15. Pasqyra e shpenzimeve pas rishikimit të buxhetit

Buxheti përfundimtar duke përfshirë edhe bartjen nga projekti i Bankës Botërore, ka qenë 446,321.22 €.

Nga kjo shumë janë shpenzuar gjithsej 431,924.59 € apo shprehur në përqindje 96.77% të buxhetit.

Buxheti i ndarë për kategorinë Paga dhe Mëditje është realizuar në masën 100%, për kategorinë Mallra dhe Shërbime buxheti i ndarë është shpenzuar në masën 98.83% dhe Buxheti në kategorinë Shpenzime Komunale është realizuar në masën 94.46%.

Projekti i Bankës Botërore, si program i veçantë dyvjeçar, i cili kishte për qëllim ngritjen e kapaciteteve të stafit, përmes përkrahjes teknike dhe trajnimeve të ndryshme, për parandalimin dhe luftimin e korrupsionit në prokurimin publik, ka përfunduar me 31 Dhjetor 2015.

Nga vlera e bartur në buxhetin e vitit 2016 është paguar shuma prej 1,785.00€ për pagën e mbetur për njërin nga konsulentët dhe më këtë përfundon projekti.

Raporti Financiar për Vitin 2016 si aneks do ti bashkëngjitet Raportit Vjetor 2016.

## **VII. Bashkëpunimi me institucionet tjera që kanë për mision luftimin dhe parandalimin e korrupsionit**

---

Edhe gjatë kësaj periudhe raportuese Agjencia i ka kushtuar vëmendje të veçantë angazhimit për avancimin e bashkëpunimit të ndërsjellët me institucionet vendore dhe ndërkombëtare të cilat për mision kanë luftimin dhe parandalimin e korrupsionit. Megjithatë bashkëpunimi ndër institucional në luftimin dhe parandalimin e korrupsionit vazhdon të mbetet një sfidë.

Rekomandimi i AKK-së për krijimin e një trupi koordinues të përbashkët të të gjitha institucioneve anti-korrupsion që veprojnë në Kosovë ku do të përfaqësoheshin në nivel të krerëve institucional nuk është adresuar. Këshilli Kombëtar kundër Korrupsionit i iniciuar nuk i ka dhënë rezultatet e pritura, si dhe nuk ka arritur që të adresoj rekomandimin e AKK-së për një trupë koordinuese anti- korrupsion.

Bashkëpunimi me Prokuroritë sa i përket informatave kthyesë tek Agjencia për procedimin e mëtutjeshëm dhe vendimin final lidhur me rastet e përcjella është avancuar dukshëm dhe ka qenë i qëndrueshëm. Në të gjitha rastet e përcjella AKK ka pranuar njoftime me shkrim nga Prokuroria. Brenda afateve të arsyeshme kohore AKK ka pranuar konfirmime nga ana e Prokurorive dhe Policisë së Kosovës nëse për rastet e njëjta të raportuara në AKK është iniciuar dhe zhvillohet procedura penale në mënyrë që rastet e njëjta të mos hetohen në të njëjtën kohë nga dy institucione dhe të mos zhvillohen dy procedura të ndara. AKK gjatë gjithë vitit, në baza mujore, ka shkëmbyer informacione me Prokuroritë Themelore rreth numrit të rasteve të përcjella në shërbim të harmonizimit të statistikave.

AKK ka bashkëpunuar ngushtë me prokurorët kontaktues të caktuar nga Prokuroritë si rezultat i punëtorisë së përbashkët e realizuar më parë, si dhe në shumë raste janë kontaktuar edhe prokurorët tjerë.

Brenda kompetencave ligjore AKK ka shkëmbyer informacione dhe dokumentacione me të gjitha institucionet tjera që kanë për mision luftimin dhe parandalimin e korrupsionit. Në këtë kuptim AKK ka ofruar informacione për institucionet kompetente lidhur me verifikimin e të kaluarës së personave të caktuar.


Me rastin e Ditës ndërkombëtare kundër korrupsionit (09 dhjetor), AKK e mbështetur nga UNDP ka shpërndarë çmime për gazetarët të cilët kanë trajtuar tema të dyshuara për korrupsion.

## VIII. MONITORIMI I ZBATIMIT TË STRATEGJISË DHE PLANIT TË VEPRIMIT KUNDËR KORRUPSION

Duke ju referuar nenit 17 pika 3 të Ligjit nr. 03/L- 159 për AKK, i cili parasheh se AKK është përgjegjëse për monitorimin e zbatimit të Planit të Veprimit të rishikuar, AKK me datë 04.07.2016 i është drejtuar me shkresë zyrtare të gjitha pikave të kontaktit që janë të përfshira në Planin e Veprimit të rishikuar, që deri me datë 18.07.2016 t'i dorëzojnë në AKK raportet për zbatimin e objektivave dhe veprimeve që dalin nga Plani i Veprimit i rishikuar për periudhën Janar– Qershor 2016. Po ashtu, AKK me datë 11.01.2017, i është drejtuar të gjitha pikave të kontaktit që janë të përfshira në Planin e Veprimit të rishikuar, që deri me datë 27.01.2017 t'i dorëzojnë në AKK raportet për zbatimin e objektivave dhe veprimeve që dalin nga Plani i Veprimit i rishikuar për periudhën Korrik – Dhjetor 2016.

Në procesin e raportimit kanë qenë të përfshira 58 pika të kontaktit për dy periudha raportuese, duke i përfshirë këtu institucionet publike qendrore dhe lokale si dhe shoqërinë civile, 51 nga të cilat i kanë dorëzuar raportet sa i përket zbatimit të Planit të Veprimit të rishikuar, ndërsa 7 pika kontakti nuk kanë raportuar fare (Shih tabela nr.1 dhe 2 – [Shtojca 2](#)).

Për periudhën raportuese, janar- dhjetor 2016, Plani i rishikuar i veprimit 2013-2017 ka dhënë një total prej 274 veprimeve apo masave. Pikat e kontaktit gjatë kësaj periudhe raportuese nuk kanë raportuar fare për 80 veprime/masa ose në përqindje 29.19%. Për 194 veprime të tjera të raportuara nga pikat e kontaktit dhe në bazë të raporteve të marra, AKK ka nxjerr një përfundim se 152 veprime janë realizuar apo janë në realizim e sipër apo 55.47 %, 25 veprime janë pjesërisht të realizuara apo 9.12% dhe 17 veprime janë të pa realizuara apo 6.20 %, siç janë paraqitur në grafikun e mëposhtëm.



Grafiku 4. Monitorimi i zbatimit të Strategjisë

## IX. ADRESIMI I REKOMANDIMEVE TË ZYRËS SË AUDITORIT TË PËRGJITHSHËM

Për këtë periudhë raportuese ende nuk është bërë auditimi nga Zyra Kombëtare e Auditimit (ZKA). Ndërsa për vitin 2016, me rastin e kontrollit financiar vlerësimi i përgjithshëm ka qenë pozitiv, lidhur me pasqyrat financiare dhe ato në të gjitha aspektet materiale kanë pasur prezantim të drejtë dhe të vërtetë. Për Agjencinë janë dhënë disa rekomandime. Në vijim janë paraqitur në mënyrë tabelore rekomandimet dhe veprimet e menaxhmentit të Agjencisë lidhur me to.

| Rekomandimet                                                                                                                                                                                                                                                                                                                                                            | Veprimi i menaxhmentit                                                                                                                                                                                                                                   | Data e planifikuar për përfundim  | Personi përgjegjës                        |
|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------|-----------------------------------|-------------------------------------------|
| <b>Rekomandimi 1</b><br>Drejtori i AKK-së duhet të sigurojë një plan të rishikuar të veprimit, i cili përcakton qartë një afat kohor dhe stafin përgjegjës për adresimin e të gjitha rekomandimeve të Auditorit të Përgjithshëm (AP). Implementimi i këtij plani duhet të rishikohet në baza të rregullta kohore.                                                       | Drejtori i AKK, menaxhmenti i lartë dhe stafi përgjegjës kanë ndërmarrë të gjitha masat për rishikimin e planit të veprimit, dhe implementimin e plotë të ZKA, ZKF dhe zyrtaret tjerë financiar të të gjitha rekomandimeve të Auditorit të Përgjithshëm. | Procesi vijon Janar- Dhjetor 2016 | Menaxhmenti dhe zyrtarët tjerë përgjegjës |
| <b>Rekomandimi 2</b><br>Drejtori i AKK-së duhet të sigurojë se është zbatuar një rishikim për plotësimin e listës kontrolluese të vetëvlerësimit dhe që është bërë adresimi i fushave me dobësi në mënyrë pro aktive. Duhet të aplikohet një mekanizëm i rishikuar për ta konfirmuar saktësinë e listës kontrolluese si dhe për të siguruar dokumentacionin mbështetës. | Në lidhje me Pyetësin dhe Listat e Vetëvlerësimit të Komponentëve të MFK, dhe pyetjes tuaj nga një Letër pune, në AKK, personat përgjegjës kemi diskutuar me ju, dhe kemi përgatitur një Letër përgjigje në lidhje me të gjeturat në raport nga AP.      | Në proces 30 dhjetor 2016         | ZKA, ZKF dhe Zyr. Ligj. etj.              |
| <b>Rekomandimi 3</b><br>Drejtori i AKK-së duhet të sigurojë se kanë hartuar një plan për identifikimin, vlerësimin dhe evitimin e rreziqeve të cilat mund të paraqiten gjatë realizimit të objektivave strategjike dhe vjetore, si dhe ka caktuar një                                                                                                                   | Në përgjigjen tonë me shkrim e cila ndërlidhet në këto dy rekomandime, ju kemi njoftuar se Strategjia kundër Korrupsionit dhe rishikimi i Planit të veprimit, nuk kanë pasur kosto financiare për AKK, sepse shpenzimet i ka mbuluar UNDP.               | Dhjetor 2016                      | Menaxhmenti dhe zyrtarët përgjegjës       |

|                                                                                                                                                                                                                                                                                                                                                                                                           |                                                                                                                                                                     |                                                                                                                          |                                       |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------|--------------------------------------------------------------------------------------------------------------------------|---------------------------------------|
| person përgjegjës për menaxhimin e rrezikut i cili raporton në baza mujore për zbatimin e kërkesave në këtë fushë.                                                                                                                                                                                                                                                                                        | Pjesëmarrës kanë qenë përfaqësues të institucioneve publike qendrore dhe lokale, Kuvendi, Qeveria, Gjyqësori, Policia, KQZ, AP, Shoqëria civile etj.                |                                                                                                                          |                                       |
| <b>Rekomandimi 4</b><br>Drejtori i AKK-së duhet të përcaktojë arsyet e mos adresimit të rekomandimit dhe të sigurojë se me rastin e planifikimit të buxhetit, janë bërë analiza të hollësishme dhe janë identifikuar nevojat reale të shpenzimeve, përfshirë edhe kategorizimin e tyre. Më tutje, të siguroj se të gjitha shpenzimet janë regjistruar në kategoritë ekonomike adekuate.                   | Të çështjet e ngritura si; planifikimi i buxhetit, nevojat reale për shpenzime, kategorizimi i tyre dhe regjistrimi është duke u bërë sipas rregullave ligjore.     | Nga fillimi i janë ndërmarrë masat për zbatim dhe procesi është realizuar në gjashtëmujorin e parë Janar-Qershor 2016.   | ZKA, ZKF dhe zyrtaret tjerë financiar |
| <b>Rekomandimi 5</b><br>Drejtori i AKK-së duhet të sigurojë kontrolle shtesë në mënyrë që kontratat të nënshkruhen vetëm atëherë kur ekzistojnë fonde që sigurojnë ekzekutimin e tyre. Gjithashtu duhet të siguroj se janë forcuar kontrollet në procesin e ekzekutimit të pagesave. Procesi i pagesave duhet të bëhet në pajtim të plotë me hapat e përcaktuar me LMFPF-në, dhe me rregullat e Thesarit. | Janë ndërmarrë masat dhe plotësisht gjendja është përmirësuar.<br><br>Pra ju sigurojmë se procesi është duke u zhvilluar komfor LMFPF, dhe me rregullat e Thesarit. | Nga fillimi i vitit<br><br>Procesi po vazhdon dhe do të realizohet gjatë gjithë periudhës raportuese Janar Dhjetor 2016. | Drejtori dhe Zyrtarët Financiar       |

Tabela 16. Pasqyra e adresimit të rekomandimeve nga zyra e Auditorit të Përgjithshëm

## X. MËSIMET DHE REKOMANDIMET

Përkundër përkushtimit maksimal në përmbushjen e mandatit, AKK në kuadër të realizimit të detyrave dhe përgjegjësi të saj konsideron që ka vend për përmirësime, sidomos në iniciativat e përbashkëta institucionale drejt koordinimit sa më efektiv në fushat që lidhen me hetimin dhe parandalimin e korrupsionit, prejardhjen dhe kontrollin e pasurisë dhe të dhuratave, parandalimin e konfliktit të interesit të zyrtarëve të lartë publik dhe parandalimin e korrupsionit në aktivitete të prokurimit publik. Në këtë aspekt, AKK konsideron që duhet të fokusohet kryesisht në këto çështje:

**Miratimi i Ligjit për Parandalimin e Konfliktit të Interesit** - në bazë të rekomandimeve të AKK dhe ekspertëve të jashtëm të angazhuar për këtë ligj. Konsiderojmë që kërkesat e Agjencisë janë të bazuara në përvojën e deritanishme të punës së saj dhe nevojën për të pasur sa më shumë sukses në pjesën e parandalimit të korrupsionit. Po ashtu ky ligj duhet të harmonizohet me Kodin penal të Kosovës.

**Plotësimi dhe ndryshimi i Ligjit për Agjencinë kundër Korrupsionit dhe i Ligjit për Deklarimin, Prejardhjen dhe Kontrollin e Pasurisë të Zyrtarëve të Lartë Publik dhe Deklarimin, Prejardhjen dhe Kontrollin e Dhuratave për të gjithë personat Zyrtar** - të bëhet në bazë të kërkesave të reja në lidhje me shtimin e kompetencave të Agjencisë, si dhe eliminimin e zbrazëtirave juridike të cilat kanë sfiduar AKK në realizimin e mandatit të saj. Deri më tani kjo kornizë ligjore në lidhje me deklarin ka vazhduar të paraqes vështirësi në përmbushjen e mandatit të Agjencisë në lidhje me parandalimin e rasteve të konfliktit të interesit, bazuar në faktin se gjatë zbatimit të ligjit bazik për parandalimin e konfliktit të interesit në praktikë janë evidentuar shumë paqartësi dhe zbrazëtira të cilat e kanë vështirësuar punën e Agjencisë, theks të veçantë ushtrimi i dy e më shumë pozitive në të njëjtën kohë nga zyrtarët e lartë publik.

**Hartimi dhe miratimi i Strategjisë dhe Planit të Veprimit kundër Korrupsionit** - Të gjithë akterët përgjegjës për hartimin dhe miratimin e këtyre dy dokumenteve të politikave kundër- korrupsion duhet të përfshihen në proces, në mënyrë që me kohë t'i kemi këto dy dokumente.

**Krijimi i bazës së përbashkët i “bazës së të dhënave”** - Me qëllim të krijimit të një sistemi të përbashkët institucional, Agjencia rekomandon krijimin e një baze të dhënash të përbashkët për të gjithë mekanizmat që kanë për mision parandalimin dhe luftimin e korrupsionit, në mënyrë që të dhënat të shfrytëzohen bashkërisht në bazë të misionit të secilit institucion.

**Metodologji e përbashkët hetuese** - Për të pasur efikasitet dhe metodologji të përbashkët në praktikat hetuese, AKK rekomandon organizimin e trajnimeve të përbashkëta Prokurori, Polici dhe Agjenci. Gjithashtu është shumë e rëndësishme që për shkak të efikasitetit të krijohen grupe të përbashkëta hetuese në mes këtyre institucioneve.

**Evitimi i mangësive të konstatuara në raportin e progresit** - Të gjithë mekanizmat të cilët kanë për mision luftën kundër korrupsionit duhet të japin maksimumin që të evitojnë mangësitë e konstatuara në Raportin e progresit.

**Hartimi dhe monitorimi i zbatimit të Planeve të Integritetit** - Duhet të gjinden zgjidhje ligjore që të gjitha institucionet publike të nivelit qendror dhe lokal të hartojnë dhe zbatojnë Plane të Integritetit.

Implementimi i projekteve ndërkombëtare që mbështesin parandalimin dhe luftimin e korrupsionit në Kosovë – rezultatet e përgjithshme të projekteve duhet të sigurojnë produkte të qëndrueshme.

## **XI. PËRFUNDIMI**

Agjencia kundër Korrupsionit, menaxhenti dhe stafi i saj janë të përkushtuar në përmbushjen e të gjitha detyrave konform mandatit dhe kompetencave të Agjencionit. AKK do të vazhdojë angazhimin e saj serioz që si mekanizëm i pavarur të luajë rolin konstruktiv dhe bashkëpunues me të gjitha institucionet tjera, në mënyrë që të parandalohet dhe luftohet korrupsioni në Kosovë dhe të kemi një rend dhe sundim të ligjit sa më të mirë në vend. AKK do të angazhohet edhe më shumë në ngritjen e vetëdijes qytetare e sidomos të të rinjve që të ndërtojnë një frymë dhe kulturë të transparencës dhe ndershmërisë.

Agjencia në bashkëpunim dy ekspertë të angazhuar përmes projektit të Këshillit të Evropës dhe Komisionit Evropian PECK II, ka përgatitur një raport i cili ka identifikuar pjesë të legjislacionit të cilat rekomandohet të përmirësohen.

Ndryshimi dhe plotësimi kornizës ligjore është i domosdoshëm në mënyrë që legjislacioni vendorë të harmonizohet më tutje me legjislacionin e Bashkimit Evropian dhe standardet ndërkombëtarë. Për më tepër, këto ndryshime dhe plotësime janë në harmoni të plotë me përmbushjen e obligimeve që kanë institucionet kosovare në raport me Marrëveshjen e Stabilizim Asocimit të nënshkruar mes Kosovës dhe BE-së për.

Iniciativa për ndryshimin dhe plotësimin e Ligjit nr. 03/L-159 për Agjencinë Kundër Korrupsionit ka ardhur si rezultat i ri-shqyrtimit të kësaj kornize ligjore gjatë kohës së zbatimit të këtij ligji. Përmes ndryshimit dhe plotësimit të këtij ligji kërkohet të fuqizohet roli i Agjencisë në hetimet penale dhe administrative. Përveç kësaj, do të ngritet niveli i bashkëpunimit dhe rregullohet mënyra e komunikimit me institucionet vendore siç janë: Prokuroria, Policia, ATK-ja, MF, Dogana e Kosovës, NJIF, Zyra e Auditorit, Bankat, etj. Agjencia përmes ndryshimit të ligjit kërkon të angazhohet më tepër në fushën e edukimit, bashkëpunimin dhe raportet me media dhe shoqërinë civile dhe angazhimin në fushën e bashkëpunimit ndërkombëtarë. Si rezultat i kësaj, Agjencia kërkon që të merr kompetenca shtesë në fushat që lidhen me hetimin dhe parandalimin e korrupsionit, prejardhjen dhe kontrollin e pasurisë dhe të dhuratave, parandalimin e konfliktit të interesit të zyrtarëve të lartë publik dhe parandalimin e korrupsionit në aktivitete të prokurimit publik.

Mos sanksionimi adekuat dhe preciz i verifikimit dhe prejardhjes së pasurisë së zyrtarëve të lartë publik ka qenë sfidë gjatë kësaj periudhe. Prandaj, rekomandohet që të ndryshohet forma dhe mënyra e sanksionimit. Në këtë aspekt duhet të ketë shkallëzime të dënimeve apo të gjenden metoda tjera të ndëshkimeve të zyrtarëve të lartë publik, dhe zyrtarëve të tjerë.


Ligji për parandalimin e konfliktit të interesit është në kuadër të procedurave të miratimit në Kuvend. Ka kaluar të gjitha fazat e konsultimeve paraprake dhe publike. Prandaj, shumë shpejt pritet të miratohet në Kuvend. Synimi i këtij ligji është zgjerimi i listës së zyrtarëve që do t'i nënshtrohen trajtimit të konfliktit të interesit. Parashihet të krijohen mekanizma brenda institucionit të cilat fillimisht do të trajtojnë mundësinë e konfliktit të interesit. Ndërsa, Agjencia do të jetë në cilësinë e shkallës së dytë. Propozim i rëndësishëm po ashtu është dhënia e kompetencave Agjencisë në trajtimin e korrupsionit të prokurimit publik.

Prioritet dhe sfidë qenësore e Agjencisë është vazhdimi i përmbushjes së plotë të mandatit të Agjencisë në bazë të kompetencave të përcaktuar me dispozitat ligjore në fuqi në fushën e luftimit dhe parandalimit të korrupsionit dhe konfliktit të interesit të zyrtarëve të lartë publik.

Prioritetet dhe sfidat tjera të rëndësishme për Agjencinë janë:

1. Rishikimi, ndryshimi dhe plotësimi i kornizës ligjore në lidhje me luftimin dhe parandalim e korrupsionit dhe konfliktit të interesit si dhe rishikimi dhe ndryshimi i organizimit të brendshëm të Agjencisë në aspektin organizativ dhe operacional konform *Dokumentit teknik mbi shqyrtimin e Kornizës institucionale dhe operationale të Agjencisë kundër Korrupsionit të Kosovës përparitur nga Eksperti i Këshillit të Evropës në kuadër të projektit PECK II*;
2. Zhvillimi i Strategjisë dhe Planit Strategjik pesëvjeçar për nevojat e Agjencisë në fushën e Burimeve Njerëzore që kanë të bëjnë me: ngritjen dhe zhvillimin e kapaciteteve profesionale të stafit të Agjencisë; avancimin e stafit në lidhje me zhvillimin e procedurës së hetimeve paraprake, trajtimin e rasteve të konfliktit të interesit, deklarimit të pasurisë, pranimin të dhuratave, veçanërisht pas inkriminimit të tyre në Kodin Penal;
3. Plani i Integritetit dhe monitorimi i zbatimit të tij;
4. Forcimi dhe kultivimi i frymës së bashkëpunimit me mekanizmat institucional përgjegjës për parandalimin dhe luftimin e korrupsionit në Kosovë, dhe Zhvillimi i Strategjisë së Komunikimit dhe Marrëdhënieve me Publikun;
5. Përmirësimi i ofrimit të shërbimeve nga Agjencia duke u fokusuar në: zvogëlimin e shpenzimeve për vetëm ato çështje që ndërlidhen direkt me misionin e Agjencisë; zhvillimin e bazës së të dhënave dhe rifreskimi i tyre në kohë reale; si dhe evitimi i mangësive të konstatuara nga auditorët (ZAP dhe Auditori i brendshëm);
6. Përmirësimi i vazhdueshëm i raporteve me Prokurori, Polici, media dhe shoqëri civile, si dhe me publikun në tërësi;
7. Edukimi i zyrtarëve dhe institucioneve shkollore;
8. Gjetja e mundësive për shndërrimin e procesit të deklarimit të pasurisë në deklarim elektronik/ të digjitalizuar dhe rishikimi i modaliteteve për rregullimin e deklarimit të pasurisë dhe publikimit të formularit të deklarimit sipas standardeve evropiane dhe ndërkombëtare;
9. Shqyrtimi i të gjitha mundësive për ndërlidhjen e bazës së të dhënave të Agjencisë me bazat e të dhënave të institucioneve tjera për të lehtësuar dhe përmirësuar edhe më tej komunikimin dhe bashkëpunimin;
10. Organizimi i takimeve të përbashkëta me akterë vendorë kundër- korrupsion (Polici, Prokurori, Gjykata) për adresimin e çështjeve të ndryshme dhe përmirësimin e komunikimit edhe më tej;
11. Bashkëpunimi ndërkombëtarë, anëtarësimi në organizatat ndërkombëtare, bashkëpunimi me vendet ku AKK ka nënshkruar Memorandume Bashkëpunimi.

Shtojca I - Organogrami



**SHTOJCA II.** Tabela Nr.1

| <b>Pika e Kontaktit që kanë raportuar dhe që nuk kanë raportuar për Planin e Veprimit të Rishikuar kundër korrupsionit 2013-2017 për periudhën kohore Janar – Qershor 2016</b> |                                                 |                  |           |
|--------------------------------------------------------------------------------------------------------------------------------------------------------------------------------|-------------------------------------------------|------------------|-----------|
| <b>Nr.</b>                                                                                                                                                                     | <b>Institucioni</b>                             | <b>Raportimi</b> |           |
|                                                                                                                                                                                |                                                 | <b>PO</b>        | <b>JO</b> |
| 1.                                                                                                                                                                             | Zyra për Qeverisje te Mire                      | PO               |           |
| 2.                                                                                                                                                                             | Këshilli Gjyqësor i Kosovës                     | PO               |           |
| 3.                                                                                                                                                                             | Këshilli Prokurorial i Kosovës                  | PO               |           |
| 4.                                                                                                                                                                             | Agjencia Kosovare e Privatizimit                | PO               |           |
| 5.                                                                                                                                                                             | Kuvendi i Kosovës                               | PO               |           |
| 6.                                                                                                                                                                             | Komisioni Qendror i Zgjedhjeve                  | PO               |           |
| 7.                                                                                                                                                                             | Shoqëria Civile (Internews Kosova)              | PO               |           |
| 8.                                                                                                                                                                             | Agjencia kundër Korrupsionit                    | PO               |           |
| 9.                                                                                                                                                                             | Ministria e Administrimit të Pushtetit Lokal    | PO               |           |
| 10.                                                                                                                                                                            | Ministria e Administratës Publike               | PO               |           |
| 11.                                                                                                                                                                            | Ministria e Mjedisit dhe Planifikimit Hapësinor | PO               |           |
| 12.                                                                                                                                                                            | Administrata Tatimore e Kosovës                 | PO               |           |
| 13.                                                                                                                                                                            | Ministria e Arsimit, Shkencës dhe Teknologjisë  |                  | JO        |
| 14.                                                                                                                                                                            | Ministria e Shëndetësisë                        | PO               |           |
| 15.                                                                                                                                                                            | Ministria e Zhvillimit Ekonomik                 | PO               |           |
| 16.                                                                                                                                                                            | Policia e Kosovës                               | PO               |           |
| 17.                                                                                                                                                                            | Ministria e Drejtësisë                          | PO               |           |
| 18.                                                                                                                                                                            | Inspektorati i Policisë                         | PO               |           |
| 19.                                                                                                                                                                            | Zyra e Auditorit të Përgjithshëm                | PO               |           |
| 20.                                                                                                                                                                            | Doganat e Kosovës                               | PO               |           |
| 21.                                                                                                                                                                            | Komisioni Rregullativ i Prokurimit Publik       | PO               |           |
| 22.                                                                                                                                                                            | Organi Shqyrtues i Prokurimit Publik            | PO               |           |
| 23.                                                                                                                                                                            | Ministria e Financave                           | PO               |           |
| 24.                                                                                                                                                                            | Ministria e Tregtisë dhe Industrisë             | PO               |           |
| 25.                                                                                                                                                                            | Ministria e Forcës së Sigurisë së Kosovës       | PO               |           |
| 26.                                                                                                                                                                            | Këshilli i Pavarur Mbikëqyrës i Kosovës         | PO               |           |
| 27.                                                                                                                                                                            | Zyra e Prokurorit Disiplinor                    | PO               |           |
| 28.                                                                                                                                                                            | Asociacioni i Gazetarëve të Kosovës             |                  | JO        |
| 29.                                                                                                                                                                            | Zyra e Presidentit të Kosovës                   | PO               |           |
| <b>GJITHSEJ</b>                                                                                                                                                                |                                                 | <b>27</b>        | <b>2</b>  |

**Pika e Kontaktit që kanë raportuar dhe që nuk kanë raportuar për Planin e Veprimit të Rishikuar kundër korrupsionit 2013-2017 për periudhën kohore Korrik – Dhjetor 2016**

| Nr.             | Institucioni                                    | Raportimi |          |
|-----------------|-------------------------------------------------|-----------|----------|
|                 |                                                 | PO        | JO       |
| 1.              | Zyra për Qeverisje të Mire                      | PO        |          |
| 2.              | Këshilli Gjyqësor i Kosovës                     | PO        |          |
| 3.              | Këshilli Prokurorial i Kosovës                  | PO        |          |
| 4.              | Agjencia Kosovare e Privatizimit                | PO        |          |
| 5.              | Kuvendi i Kosovës                               | PO        |          |
| 6.              | Komisioni Qendror i Zgjedhjeve                  |           | JO       |
| 7.              | Shoqëria Civile (Internews Kosova)              | PO        |          |
| 8.              | Agjencia kundër Korrupsionit                    | PO        |          |
| 9.              | Ministria e Administrimit të Pushtetit Lokal    | PO        |          |
| 10.             | Ministria e Administratës Publike               |           | JO       |
| 11.             | Ministria e Mjedisit dhe Planifikimit Hapësinor | PO        |          |
| 12.             | Administrata Tatimore e Kosovës                 | PO        |          |
| 13.             | Ministria e Arsimit, Shkencës dhe Teknologjisë  | PO        |          |
| 14.             | Ministria e Shëndetësisë                        |           | JO       |
| 15.             | Ministria e Zhvillimit Ekonomik                 | PO        |          |
| 16.             | Policia e Kosovës                               | PO        |          |
| 17.             | Ministria e Drejtësisë                          | PO        |          |
| 18.             | Inspektorati i Policisë                         | PO        |          |
| 19.             | Zyra e Auditorit të Përgjithshëm                | PO        |          |
| 20.             | Doganat e Kosovës                               | PO        |          |
| 21.             | Komisioni Rregullativ i Prokurimit Publik       | PO        |          |
| 22.             | Organi Shqyrtues i Prokurimit Publik            | PO        |          |
| 23.             | Ministria e Financave                           |           | JO       |
| 24.             | Ministria e Tregtisë dhe Industrisë             | PO        |          |
| 25.             | Ministria e Forcës së Sigurisë së Kosovës       | PO        |          |
| 26.             | Këshilli i Pavarur Mbikëqyrës i Kosovës         | PO        |          |
| 27.             | Zyra e Prokurorit Disiplinor                    | PO        |          |
| 28.             | Asociacioni i Gazetarëve të Kosovës             |           | JO       |
| 29.             | Zyra e Presidentit të Kosovës                   | PO        |          |
| <b>GJITHSEJ</b> |                                                 | <b>24</b> | <b>5</b> |

Tabela Nr. 2

**SHTOJCA III:** Tabela e trajnimeve gjatë vitit 2016

| <b>Nr.</b> | <b>Lloji i Trajnimit</b>                                                                                          | <b>Organizoi</b> | <b>Vendi</b> | <b>Data</b>   | <b>Nr. i zyrtarëve</b> |
|------------|-------------------------------------------------------------------------------------------------------------------|------------------|--------------|---------------|------------------------|
| 1.         | Moduli i shpenzimeve                                                                                              | MF               | Prishtinë    | 22.02.2016    | 1                      |
| 2.         | Moduli i pasurisë                                                                                                 | MF               | Prishtinë    | 29.02.2016    | 1                      |
| 3.         | Planifikimi, Rekrutimi dhe Përzgjedhja                                                                            | IKAP             | Prishtinë    | 21-22.03.2016 | 3                      |
| 4.         | Krijimi dhe Riorganizimi i Strukturave Organizative të Institucioneve në AP                                       | IKAP             | Prishtinë    | 04-05.04.2016 | 1                      |
| 5.         | Kodi etik, të drejtat dhe përgjegjësit në shërbimin civil                                                         | IKAP             | Prishtinë    | 14-15.04.2016 | 1                      |
| 6.         | Punëtori                                                                                                          | RACI             | Kroaci       | 10-11.05.2016 | 1                      |
| 7.         | Ankimimi dhe Çështjet e Disiplinës                                                                                | IKAP             | Prishtinë    | 19-20.05.2016 | 4                      |
| 8.         | Takim regional i Institucioneve mbikëqyrëse të deklarimit të pasurisë dhe parandalimit të konfliktit të interesit | RACI             | Tirane       | 22-24.05.2016 | 2                      |
| 9.         | Marrëveshja e stabilizimit asocimit mes Kosovës dhe Bashkimit Evropian                                            | IKAP             | Prishtinë    | 25-26.05.2016 | 1                      |
| 10.        | Punëtori                                                                                                          | OLAF             | Tirane       | 01-03.06.2016 | 1                      |
| 11.        | Industria e Nxjerrjes                                                                                             | KCOF             | Durrës       | 23-27.06.2016 | 1                      |
| 12.        | SIMBNJ                                                                                                            | IKAP             | Prishtinë    | 15-20.07.2016 | 1                      |
| 13.        | Punëtori                                                                                                          | FOL              | Durrës       | 14-16.10.2016 | 1                      |
| 14.        | Deklarim i Pasurisë                                                                                               | RIPA             | Sofje        | 20-21.10.2016 | 2                      |
| 15.        | Trajnime Ngritja e Vetëdijes së Bashkëpunimit Ndërkombëtar                                                        | PK               | Prishtinë    | 21-24.11.2016 | 1                      |



**AGJENCIA KUNDËR KORRUPSIONIT**

Raporto Korrupsionin në:

0800 10 8000

**[www.akk-ks.org](http://www.akk-ks.org)**

Rruga "Nazim Gafurri" Nr. 31

Prishtinë 10000 Kosovë